



新刊監本冊府元龜卷第一百八十六

閏位部五

勲業第四

陳高祖武少儻有大志不治生產既長讀兵書多武藝明達果斷為當時所推服梁大同初新喻侯蕭映為光州刺史以帝為中直兵參軍隨府之鎮映令帝招集士馬衆至千人仍命帝監宋隆郡安化二縣元不賓帝討平人尋監西江督護高要郡守先是武林侯蕭詒為州刺史以梧克失衆心土人李賁連結數州豪傑同時反臺遣高州刺史孫瓘新州刺史盧子推將兵擊之瓘等不時進皆於廣州誅子雄弟子畧與瓘子姓及其主帥肚天合杜僧明共舉兵執南江督護沈覲進寇廣州晝夜苦

攻州中震恐帝率精兵三千卷申兼行以救之頻戰屢捷天合
中流矢死賊衆大潰僧明降梁武帝深歎異焉授直閣將軍封
新安子邑三百戶仍遣畫工圖帝容貌而觀之其年冬蕭映卒
帝送喪還都至大庾嶺會有詔以帝為交州司馬領武平太守
與刺史楊暕南討帝益招勇敢器械精利暕喜曰能尅賊者必
陳司武也委以經畧帝與衆軍發自番禺是時蕭勃為定州刺
史於西江相會勃知軍士憚役陰購誘之因詭說暕暕集諸將
問計於帝對曰交趾叛渙罪由宗室遂使僭亂數州彌歷年稔
定州復欲昧利目前不顧大計節下奉辭伐罪故當生死以之
豈可畏憚宗室輕於國憲今若奪人沮衆何必交州討賊問罪
之師即迴有所指矣於是勤兵鼓行而進十一年六月軍至交

州賁衆數萬於蘇歷江口立城柵以拒官軍暕推帝為前鋒所
向摧陷賁於屈獠界立砦大造船艦克塞湖中衆軍憚之頻湖
口不敢進帝謂諸將曰我師已老將士疲癆歷歲相持恐非良
計且孤軍無援入人心腹若一戰不捷豈望生全今藉其屢奔
人情未固夷獠烏合易為摧殄正當共出百死決力取之無故
停留時事去矣諸將皆默然莫有應者是夜江水暴起七丈注
湖中奔流迅激帝勤所部兵乘流先進衆軍鼓衆俱前賊衆大
潰賁竄入屈獠洞中屈獠斬賁傳首京師是歲大清元年也賁
兄天寶遁入九輿劫帥李紹陰收餘兵二萬殺德州刺史陳文
武進圍愛州帝率衆討平之除柅遠將軍西江督護高要太守
督七郡諸軍士

二年冬侯景寇京師帝將率兵赴授廣州刺史元景仲陰有異志將圖帝帝知其計與成州刺史王懷明行臺選郎殷外臣等密議戒嚴三年七月集兵於南海馳檄以討景仲景仲窮蹙縊于閣下帝迎蕭勃鎮廣州是時臨賀內史歐陽頎監衡州蘭裕蘭京禮扇誘始興十郡共舉兵攻頎頎講援於勃勃令帝率衆救之悉擒裕等仍監始興郡十一月帝遣杜僧明胡頴將二千人頓於嶺山并厚結始興豪傑同謀義舉侯安都惡德偲等率前者援軍十萬士馬精強然而莫敢當鋒遂令羯賊得志軍以區區之衆欲何所之如聞嶺北王侯又皆鼎沸河東桂陽拓跋屠戮邵陵聞建親尋干戈李遷仕托身當陽便奪馬仗以君疎外何自暗投若且住始興遙張聲勢保此太山自來多福帝泣謂休悅曰僕本庸虛蒙國成造住聞侯景渡江即欲赴援遭值元蘭梗我中道今京都覆投主上蒙塵君辱臣死誰敢受命君侯體則皇枝任董方嶽不能推鋒萬里雪此冤庸見此一軍猶賢乎已若降後旨使人慨然僕行失計決矣憑為塘述乃遣間往往江陵稟承軍期節度使蔡路養起兵據南康勃遣腹心潭為曲江陵與路養相結同逼義軍大寶元年正月帝發自始興次大庾路養出軍頓南野依山水立四城以拒帝帝與戰大破之路養脫身竄走帝進頓南康湘東王承制授帝員外散騎常侍持節明威將軍交州刺史改封南野縣伯六月帝脩嶂頭古城徙居焉高州刺史李遷仕據大臯遣主率帥平虜率千人入

石魚梁命周文育將兵擊走遷仕奔寧都承制授帝通直散騎
常侍使持節信威將軍豫州刺史豫章內史改封長城縣侯尋
授散騎常侍持節都督六軍諸軍事軍師將軍南江州刺史餘
如故時寧都人劉藹等資遷仕舟艦兵仗將襲南康帝遣杜僧
明等率二萬人據白口築城以禦之遷仕以立城以相對二年
三月僧明等攻拔其城生擒遷仕送南康帝斬之承制命帝進
兵定江州仍授江州刺史餘如故六月帝發自南康是時承制
遣東將軍王僧辨督衆軍討侯景八月僧辨軍次益城帝率杜
僧明等衆軍及南川豪帥合三萬人將會烏時西軍之食帝先
貯軍糧伍拾萬石至是分三十萬以資之仍頓巴丘會侯景廢
簡文帝立豫章嗣王棟帝遣兼長史沈克奉表於江陵勸進下

一月承制授帝使持節都督會稽東陽新安臨海永嘉五郡諸
軍士平陳將軍楊州刺史領會稽太守豫章內史餘如故三年
正月帝率甲士三萬人強弩五千張舟艦三千乘發自豫章二
月次桑落洲遣中記室參軍江元禮以事表江陵承制加帝鼓
吹一部是時僧辯已發湓城會帝于白茅灣乃登岸結壇刑牲
明約進軍次蕪湖侯景城主張黑棄城走帝與諸軍進剋姑熟
仍次蔡州侯景以舡舫貯石沉塞淮口緣淮作城自石頭迄青
溪十餘里中樓雉相接諸將未有所決僧辨遣杜翦問計於帝
帝曰前柳仲禮數十萬兵隔水而坐常棊之在青溪境不渡岸
賊乃登高望之表裏俱盡肆其兇雪覆我王師令圍石頭須渡
北岸諸將若不能勞鋒請先往立柵帝即於石頭橫隴築柵衆

軍次連八城直出東北賊恐西州路斷亦於東北果林作五城以遏大路景率衆萬人鐵騎八百餘匹結陣而進帝曰軍志有之善用兵者如常山之蛇首尾相應令我師既衆賊徒甚寡應分賊兵勢以弱制強何故聚其鋒銳令必死於我乃命諸將分處置兵賊直衝僧志僧志小縮帝遣徐度領弩手二千橫截其後賊乃去帝與王琳杜龕等以鉄錡悉力乘之賊退據其柵景儀同盧輝畧開石頭北門來降盪主戴晃曹宣等攻拔果林一城衆軍又剋其四城賊復還殊死戰又盡奪所守城柵帝大怒親率攻之士卒騰柵而入賊復散走景與百餘騎棄稍執刀左右衝陣不動景衆大潰遂北至西明門景至關下不動入臺遣腹心取其二子而遁帝率衆出廣陵應接景將郭元建會元建

奔齊帝納其部曲三千人而僧辯啟帝鎮京口五月北齊遣將辛術圍嚴起達于秦都帝命徐度領兵助其固守齊衆七萬填塹起土山穿道地攻之甚急帝乃自率萬人解其圍縱兵四面擊齊軍弓弩亂發齊平秦王中流矢死斬首數百級齊人收兵而退帝振旅南歸遣記室參軍劉本獻捷于江陵承制授帝使持節散騎常侍都督南徐州諸軍事征北大將軍開府儀同三司南徐州刺史及王僧辯率衆征陸納於湘州承制命帝代鎮揚州梁元帝承聖二年旋鎮京口三年三月進位司空十一月西魏攻陷江陵帝與僧辯等進啓江州請晉安王以大宰承制又遣長史謝哲奉牒勸進十二月晉安王至自尋陽入居朝堂給地帝班劍二十人四年五月北齊送身陽侯蕭浚明還主社

稷僧辯納之即位改元天成以晉安王為皇太子九月壬寅帝
召徐度侯安都周文育等討僧辯甲辰帝步軍至石頭前進遣
勇士自城北踰入擒僧辯及于頔縊殺之丙午身陽侯遜位百
僚奉晉安王上表勸進十月己酉即位改元紹泰元年以帝為
侍中大都督中外諸軍事車騎將軍陽南徐州刺史田伏百人
出入殿省震州刺史杜龕僧辯之壻也據吳興與義興大守常
載同舉兵反帝命周文育率眾攻戰于義興龕遣其從弟杜北
叟將兵拒戰敗歸義興辛未帝表自東討留高州刺史侯安都
石州刺史杜稜宿衛臺省甲戌軍至自義興丙子拔其水柵秦
州刺史徐嗣徽據其城以入齊又要南豫州刺史任約共舉兵
應龕戰齊人資其食嗣徽等以京師空虛率精兵五千奄闕下

侯安督領驍勇五百人出戰嗣徽等退據石頭丁丑載及北叟
來降帝撫而釋之以嗣徽寇逼卷甲還都命周文育進討杜龕
十一月己卯北齊遣兵五千濟渡據姑熟帝命台州刺史徐杜於
治城等五柵南抵淮渚齊又遣安州刺史翟子崇楚州刺史劉
仕榮淮州刺史柳達摩領兵萬人於胡野渡米粟三萬石馬千
匹入石頭癸未帝遣侯安都領水軍夜襲胡野燒齊船千餘艘
周鉄武率舟師斷齊運輸擒其北徐州刺史張領州獲運舫米
數千石仍遣常載於野航築城使杜稜據守齊人又於金門水
南立二柵以拒官軍甲辰嗣徽等攻治城柵帝領鉄錡精甲出
自西明門襲擊之賊戰大潰嗣徽留柳達摩等守城自率親屬
腹心往南州採石以迎齊拔十二月癸丑帝遣侯安都領舟師

襲嗣徽家口於秦州俘獲數百人官運連艦塞淮口斷賊水路
丙辰帝盡命衆軍分部甲卒對治航渡兵攻其水南二柵柳達
摩等渡淮置陣帝督兵疾戰縱火燒柵烟塵漲天賊潰爭舟排
擠溺死者以千數時百姓夾淮觀戰呼聲震天地軍士乘勝無
不虜百盡取其船艦賊軍懾氣是日嗣徽約等領齊兵水步萬
餘人還石頭帝遣兵往江陵寧據要險以斷賊水步萬餘人還
石頭帝遣兵往江寧據要險以斷賊水步不敢進頓江寧浦口
帝遣侯安都領水軍襲破之嗣徽等乘單舸脫走丁巳拔石頭
南岸柵移度北岸起柵以絕其汲路又堙塞東門故城中諸井
齊所據城中無水水一斗買米一升買絹一疋米一升或炒米
食之達摩謂其衆曰聞在此童謠云石頭兩擋擣青復擣黃侯

景服青身倒於此今吾徒衣黃豈謠言驗耶庚申達摩遣使侯
子欽劉任榮等潛來請和帝許之乃于城門外刑牲盟約其將
士部曲一無所問從其南北辛酉帝出石頭南門陳兵數萬送
齊人歸北者壬戌和州長史烏九遠自南州奔還歷陽江寧令陳
司黃門侍郎曹卽據姑熟反帝命侯安都徐度等討平之斬首
數千級聚為京觀石頭採石州悉收其馬仗船米不可勝計是
月杜龕以城降三年正月癸未誅杜龕於吳興龕從弟北叟司
馬沈孝敦並賜死二月庚申帝遣侯安都周鐵虎率舸艦備江
川仍頓梁山起柵甲子勅司空有軍旅之事可騎馬出入城內
三月戊戌北齊遣水軍儀同蕭軌等率衆十萬出柵口向梁山
帝遣侯安都及定州刺史沈泰吳郡太守吳就共據梁山以禦

之五月己亥帝率宗室王侯及朝臣將帥於大司馬門外白獸
闕下刑牲告天以齊人背約發言慷慨涕泗交流同盟皆莫能
仰視士卒觀者益奮丙申齊兵至秣陵故治六月丙子至玄武
湖乙卯帝率帳內麾下衆軍首尾齊舉臨水大戰破之帝表解
南徐州以授安都七月丙子詔授帝中書監司徒揚州刺史進
爵為公增邑并前五千戶食安吉武康二縣侍中使持節都督
諸軍事棄給碧幢皂輪車是月侯鎮以江州人附遣侯安都鎮
上流定南中諸郡九月壬寅改年曰大平元年進帝位丞相錄
尚書事鎮衛大將軍改刺史為牧進封義興郡公二年二月庚
午蕭勃舉兵自廣州渡嶺頓南康遣其將歐陽頎傅恭及子其
孜為前軍至干豫章分屯要險南江州刺史余孝頃起兵應勃

帝命周文育侯安都率衆討平人之八月甲午進位大傅加黃

鉞

臣欽若等曰自此已後
寢寵並具閏位錫命門

是月湘州刺史王琳擁兵不應命帝

遣周文育侯安都率衆討之九月辛丑詔曰肇昔元台部判大

素氤氳崇建人皇必憑洪宰故賢啟之後收伯征子四方神武

之君大監治乎萬國又有一正九合渠門之賜以隆駭帶圍溫

行宮之寵斯茂時危所以真固運泰所以光熙斯乃千載同風

百王不刊之道也大傅義興公允文允武迺神迺聖固天生德

康濟點首昔在休期早隆朝寄遠踰倉海太極交越皇運不造

書契未聞中國其亡兵凶摠至哀哀噍類譬彼窮牢悠悠上天

莫云斯極丕終泰始元輔應期將此方摧拔滋已溺乘舟履輦

架險浮深絳畧中途畢殲羣醜泊乎石頭姑熟流髓履膈一朝

指為六合清晏是用先朝下武翼亮中都雪三后之勅讎夷三
靈之巨慝堯台禹佐未始能階殷相周師固非云擬重之以叱
剝餘象荆楚大摧天地無心乘輿委御五湖荐食莠謀諸夏八
方甚時莫有裨救彊臣放命黜我冲人顧影於茶孺之鬼甘心
於甯鄉之辱却案下髻求哀之路莫從竊缺逃積容身之地無
所公神兵奄至不日清澄惟是滌蒙再應天祿斯又巍巍蕩蕩
無得所稱焉加以仗茲忠義屠彼祚逆震部夷氛稽山罷祲番
禺蠡澤北鄙西郊殲厥凶徒罄無遺種斯則兆民之命脩短所
懸率土之基興亡是賴於是刑禮兼訓公革有章中外咸平遐
邇寧一用能使陽光合魂曜象呈輝棲閣游庭抱仁舍信宏勲
該於厚地大道格於玄天義農炎昊以來卷領垂衣之世聖人

濟物未有如斯者也夫備物典策桓文是膺助理陰陽蕭曹不
讓未有功高於禹縣而賞薄於伊周凡厥人抵固懷延佇寔由
公謙偽自牧降損為懷嘉數遲回永言曾歎豈可申茲雅尚久
廢朝猷宜戒司勳敬昇鴻典且重華大聖媯汭惟賢聖德之祀
無忘公侯之間必復是以殷嘉亶甫繼后稷之官堯命羲和纂
重黎之位况其本枝攸建宜誓山河者乎其進公位相國摠百
揆封十郡為陳公備九錫之禮加重綬遠遊冠綬綬位在諸侯
王上其鎮衛大將軍揚州牧如故策曰大哉乾元資日月以貞
觀至哉坤元憑山河以載物故天為大陟配者欽明惟王建
國翼輔者齊聖是以文武之佐礚礚蘊其玉璜堯舜之臣榮河
鏤其金版况乎体得一之鴻姿寧陽九之危厄極橫流於碣石

撲燎火於崑岑驅馭於常彭踳踳於齊晉神功行而靡用聖道
運而無名者乎今將授公典策其敬聽朕命曰者昊天不弔鍾
顛萬不遺一大精否元橋山之痛已深大寶屯如平陽之禍相
繼上宰膺運庫救兆民鞠旅於潢池之南陽旌於桂嶺之北懸
三光於墜謚四海於群飛屠楔繇於中原散鯨鯢於濛汜蕩寧
上國光啟中興此則公之大造於皇家者也既而天未悔禍夷
醜荐臻南夏沸騰西京蕩復群胡孔熾藉亂乘間推納藩枝盜
假神器冢司昏曉旁引寇讎既見貶於桐宮方謀危於漢閣皇
運已始何殊贅旒中國搖然非徒如綫公赫然投袂將救本朝
復若齊都平我王室朕所以還膺寶曆重履震居挹建武之風

猷訶宣王之雅頌又比公之再造於皇家者也公應務之初登
庸惟始二川五嶺莫不窺臨銀洞珠宮所在應證孫盧肇費越
貊為羣番部帖危勢將淪殄公赤旗所指沃壘洞開白羽總樞
兜徒粉潰非其神武又喪南藩此又公之功也大同之末邊政
不脩李賁狂迷竊我交愛敢稱大號驕蹇甚於尉他據有連州
雄豪熾於梁碩公英暮雄等電掃風行馳禦樓船直跨滄海新
昌盡徹備履艱難經歷嘉寧盡為京觀三山獠洞八角蠻陬逃
矣水寓之鄉悠哉火山之國馬拔之所不屆陶璜之所未聞莫
不懼我王靈爭朝邊候歸琛天府獻狀鴻臚此又公之功也自
寇虜陵江宮闈幽辱公枕戈嘗膽提劔拊心氣湧清霄神飛紫
閣而番禺連率本自諸夷言得其朋是懷同惡公仗此忠誠乘

機勦定執沛公而舉鼓平新野而據案此又公之功也世道初
艱方隅多難勲門傑點作亂衡嶷兵功池隍衆兼夷獠公以圖
盜邊境知無不為恤是同盟誅其醜類莫不魚驚鳥散白縛懸
頭南士黔黎重保蘇息此公之功也長駘嶺嶠夢想京畿緣道
酋豪遁為榛梗路養渠率全據大都蓄聚逋逃方謀阻亂百樓
不戰雲梯之所未窺萬弩齊張高翰之所非敵公龍驤虎步嘯
咤風雲山靡堅城野無疆陣清氛於灑石滅冷氣於霄都此
又公之功也遷仕兜慝屯據大率臣欽若等曰遷仕姓李為高
州刺史據大率判攻南康
乞活類馬騰之軍流民多杜弼之衆推鋒轉問自北徂南頻
歲稽誅寔惟勅虜公坐揮二畧遙制六奇義勇同心貌貅駛
刀風驅電擊谷靜山空列郡無犬吠之驚叢祠罷狐鳴之盜此

又公之功也王師討虜次屆淪波兵之兼儲士有飢色公迴麾
蠡澤積穀巴丘億康之詠斯豐壺漿之迎是衆軍民轉漕曾無
砥柱之難艫舳相望如運教倉之府羣渠具曹顧茂雷霆高艦
層樓仰捫霄漢故三軍勇悅百戰無前承此兵糧遂誅兇逆此
又公之功也若夫英圖邁俗義旅如雲溢壘猜攜用掩戎畧公
志唯同獎師克在和鵠塞悲虞鴻門是會若晉侯之誓白水若
蕭王之推赤心屈禮交盟人祇感咽故能使州師並路遠近心
心此又公之功也姑熟襟要峭丞憑凌寇虜據其關梁大盜負
其肩鎬公一校裁撫三雄並奮左賢右谷音沙潰土分木甲殪
於中原擅表赴於水佗佗藉藉萬計千群鄂坂之隘斯開殪度
之進無塞此又公之功也義軍大衆俱奮京帝逆堅兇徒猶屯

皇邑若天表裏山河金湯峻固䟽龍首以抗殿翦華嶽以為城
雜虜憑馬疆兵自若公迴茲地軸抗此天羅魯不崇朝俾無遺
噍軍容甚穆國政方脩物重覩於衣冠民還瞻於禮樂楚人滿
道爭覩於葉公漢老嚙悲俱歡於司隸此又公之功也內難初
靜諸侯出關外群傳恠鮮卑犯塞莫非且渠當戶中貴名王冀
馬列於淮南胡笳動於徐北公舟師步甲亘野橫江殲厥群羝
遂殫封豕莫不絰木而止戎車靡遺遇濶而旋歸驂盡殪此又
公之功也公克平禍難劬勞皇室而孫賓之黨翻啓狄心伊洛
之間咸為虜境雖金陵佳氣石壘天嚴荆門戎塵夜喧胡鼓公
三籌既盡八陣斯張裁奉靈鉦未抽金僕咸俘醜類悉反高墉
異李廣之皆誅同龐元之盡赦此又公之功也任約叛換梟聲

不悛戎羯貪婪狄心無改公左醜右落箕張翼舒掃是揔槍驅
其獫狁獯狄之長理於國門椎髻之首烹於軍市拔秦抗而尽
沸噎睢水而不流此又公之功也一相居中自安彛鼎五湖小
守妄懷同惡公夙駕兼道衣甲杖戈金斧將揮金鉦且戒袂首
震懼遽請灰釘藝襯以表其含弘焚書以安其反側此又公之
功也賊龕兇橫凌霄其區

臣欽若等曰賊龕即震州刺史杜龕卒兵據吳興判

也阻兵安

忍憑災恬亂自古蟲言鳥迹渾沌洪荒人或虔劉未此殘酷公
雖宗居汝穎世寓東南育聖誕賢之卿舍章挺生之地眷言桑
梓公私憤功卓爾英猷承規奉筭戮此大憝如烹小鮮此又公
之功也乱雖永久群盜孔多浙左群渠連兵構遠豈止千兵五
校自淮已來而已哉公以中軍無帥選是親賢姦寇途窮催然

永泮刑澹之所文命勲其大威雷門之間勾踐行其嚴戮英規
聖迹異代同風此又公之功也同姓有扈頑兇不賓憑籍宗盟
圖危杜稷觀其匪澤勢震京師驅率南蠻已為東帝公論兵於
廟堂之上決勝於樽俎之間寇賈樊滕浮江下瀨一朝翦撲無
待旬師萬里澄清非勞新息此又公之功也豫章祆寇依憑山
澤繕甲完聚多歷歲時結縱連橫爰洎交廣呂嘉既獲吳淠已
鏃命我還師征其不恪連營尽拔搗黨斯擒曜聖武於廬山迴
神姓於蠡派此又公之功也自八統九野瓜剖豆分竊帝偷王
連州此縣公武靈已暢大德又宣折簡馳書風猷斯遠至於蒼
蒼浴日杳杳無雷北洎幽都南踰舟徼莫不屈膝膜拜來吏欵
關此又公之功也京師禍亂亟積暄雙關砥昂九門廖豁寧秦
宮之可顧豈魯殿之猶存五群簪弁百僚卿士胡服綬纓咸為
戎俗高寇厚履希復華風宋微子麥稷之次周大夫黎離之歎
方之於斯未足為悲矣公求衣昧旦反席高春興構宮闈具瞻
遐迩郊庠宗稷之典六符十美之章還聞大始之高風重覩永
平之遺事此又公之功也公有齊世之勲重之以疑神体道合
德符天用百姓以為心隨萬機以自務耻一物唐虞之民歸含
靈於仁壽之城上德不德無為以為夏長春生顯仁藏用忠信
為寶風雨弗愆仁惠為基馬牛勿踐成功治定樂奏咸雲安上
治民禮兼文質物色丘園衣裾里卷朝多君子野無遺賢菽粟
同水火之饒上商富倚頓之旅是以天無蘊寶地有呈祥滴露
鄉雲朝團曉映山車澤馬服馭登閑既炳煥於圖書方歲祀於

史牒高勲踰於象緯積德冠於高華固無得而稱者矣朕聞又
之前王宰世茂賞尊賢式樹滿長摠征群伯二南崇絕四履遐
曠泱泱表海作土維齊巖巖泰山俾侯於魯柳又勤王反鄭夾
輔遷周呂伯之命斯隆河陽之禮咸備况復經營宇宙豈唯斷
鼇足之功孔濟蒼生非直鑿龍門之險而疇庸報德寂爾無聞
朕所以垂拱當中載懷暫憐者也今授公相國以南豫州之陳
留南舟陽宣城陽州之吳興東陽新安寧國南徐州之義興江
州之鄱陽臨川十郡封公為陳公錫之青土苴以白茅爰定爾
邦用建冢社昔日夔分陝俱為保師晉鄭諸侯咸作卿士兼其
內外禮實攸宜令命持節兼大尉王通授相國印綬陳公璽拔
使持節兼司空王錫授陳公茅土金虎符第一至第五左竹使
付第一至第十相國秩踰三鉉任摠百司位絕朝班禮由事革
其以相國摠百揆除錄尚書之號上所假節侍中貂蟬中書監
印章中外都督大傳印綬義興公印策其鎮衛大將軍楊州牧
如故又加功九錫其敬德後命以公禮為損幹律寺御策四維
皆舉八柄有章是用錫公大輅戎各一玄牡二駟以公賤寶重
穀疏爵待農室富京坻民知榮辱是用錫公衮冕之服赤舄副
馬以公調理陰陽變諧風雅三靈允降萬國同和是用錫公軒
懸之樂六佾之舞以公宣導英猷弘闡風教光景所照鞮象必
通是用錫公朱戶以居以公抑揚清濁褒德進賢髦士盈朝幽
人虛谷是用錫公納陛以登以公嶷然廊廟為世鎔範特衡四
表臨御八荒是用錫公虎賁之士三百人以公執茲明罰期在

刑措衆恭無赦干紀必誅是用錫公鉄鉞各一以公英猷遠量
跨嵩屬溟包一車書恬囊寰宇是用錫公彤弓一彤矢百盧弓
十盧矢千以公天經地義貫徹幽明春露秋霜尤恭棗盛用是
錫公鉅鬯一卣圭瓚副馬陳國置丞相已下一遵旧式往欽哉
其恭循朕命克相皇天弘建邦家尤興洪業以光我高祖之休
命十月戊辰進陳公爵為王以揚州之會稽臨深永嘉建安南
徐州之晉陵信義江州之尋陽豫州安成廬陵并前二十郡益
封陳國其相國揚州牧鎮衛大將軍並故如又命陳王晃十有
二䟽衛天子旌旗出警入蹕乘金根車駕六馬備五時副車置
旄頭雲罕樂舞八佾設鍾簋宮懸王妃王子王女爵命之號陳
臺百官一依舊典是月辛未遂受梁禪

世祖文帝始興昭烈王之子少耽敏具識量留意經史奉勳方
雅造次必遵禮法高祖甚愛之侯景之亂鄉人多依山湖寇抄
帝獨保家無所犯時亂甚乃避地臨安及高祖卒義兵侯景使
牧帝及衡陽王獻王帝乃密裹小刀冀因入見而害景之便屬
吏故其事不行高祖大軍圍石頭景卻加害者數矣會景敗乃
得出起家吳興太守時宜城劫帥紀璣郝仲等各聚衆千餘人
侵掠郡境帝封平之梁承聖二年授信武將軍監南徐州三年
高祖北往廣陵使帝為前軍每戰克捷高祖之討王僧辯也先
軍帝與謀時僧辯女婿杜龕據吳興兵衆甚盛高祖令帝還長
城立稱以備龕帝收兵總數百人戰備又少龕遣其將杜秦領
精兵五千乘虛奄至將士相視失色而帝言笑自若部益分明

於是衆心乃定秦知柵內人少日夜苦攻帝激厲將士身當矢石相持數旬秦乃退走高祖遣周文育率兵討龔兵尚衆斷據要衝水步連陣相結帝命將軍劉澄蔣元奔率衆攻龔龔軍大敗窘急因請降東陽州刺史張彪起兵圍臨海大守懷振振遣使求救帝與周文育輕兵往會稽以掩彪彪將秦秦開門納帝帝尽收其部曲家累彪至又破走若耶付民斬彪傳其首以功授持鄧都督會稽等十郡諸軍事宣毅將軍會稽大守山越深險皆不賓附帝分命討擊悉平之威惠大振高祖即位封為臨川郡王邑二千戶拜侍中安東將軍及周文育侯安都敗於泚口詔帝入衛軍儲戎備皆以委焉尋命率兵城南院永定三年六月即帝位

北齊高祖神武皇帝勃海蓆人高樹之子素家貧自隊主轉輪為亟使與懷朔省事雲中司馬如及秀容人劉貴中山人賈顯智為奔走之友懷朔戶曹史孫騰外兵使侯景亦相友結柔玄鎮人杜洛周反於上谷帝與同志從之醜其行事私與尉景段榮蔡携圖之不果而逃奔葛榮又王歸爾朱榮以帝為信都都督時後魏孝明御鄭儼徐紇逼靈太后未敢制私使榮奔兵內向榮以帝為前鋒至洛會孝莊以定策勲封銅鞮鞮伯及爾朱榮擊葛令榮帝喻下賊別稱王者七人後與行臺于暉破羊侃於太山又與元天穆破刑景於濟南累遷第三鎮人酋長晉州刺史於是大聚劔因劉貴貨榮下要人尽得其意及孝莊誅榮其從子兆自晉陽奔兵入洛執孝莊立長廣王暉改元見明封帝

為平陽郡公及貴也頭紇豆陵步藩入秀容逼晉陽兆徵帝帝
將往賀救為過見請緩行以弊之帝乃往逗遛辭以河無橋不
得渡涉藩軍盛兆敗走初孝莊之誅爾朱榮知其黨必有逆謀
乃密勅步藩令襲其後步藩既敗兆等以兵勢日盛兆又請救
於帝帝內圖兆復慮步藩後之難除乃與兆悉力破之藩死兆
深德於帝誓為兄弟時爾朱榮從弟度律從父弟世隆及彥伯
共執朝政從子兄子仲天光據關右兆據并州各擁兵為暴天
下苦之葛榮眾流入并肆者二十餘萬為契胡陵暴皆不聊生
大小二十六反誅夷者半猶草竊不止兆患之問計於帝帝曰
六鎮反賊不可尽殺宜選王素腹心者私使統焉若有反者直
罪其師則所罪者寡兆曰善誰可行也賀拔允時在坐帝拳毆

之折其一齒曰生平天柱時

臣欽若等曰爾朱榮為天柱時將軍

奴輩伏處分

如鷹犬今日天下安置在王而阿鞠泥敢誣下罔上請殺之兆
以帝為誠遂以委焉帝以兆醉恐醒後或致疑貳遂出宣言受

委統州鎮兵可集汾東受令乃建牙陽曲川陳部分有款軍門
者絳中袍自稱梗陽驛于頤厠左右訪之則以力聞嘗於并州
市搭殺人者乃署為親信兵士素惡兆而樂神武於是莫不皆
至居無何又使劉貴請兆以并州頻歲霜早降戶掘黃鼠而食
之皆面無穀色徒汚人國士請令就食山東待溫飽而處分之
兆從其議其長史慕容紹宗諫曰不可今四方擾擾人懷異望
况高公雄畧又握大兵將不可為兆曰香火誓重何所慮也紹
宗曰親兄弟尚難可信何論香火時兆左右已受帝金即讚紹

宗與帝旧有隙兆乃禁紹宗而推帝帝乃自晉陽出滏口路逢
再朱榮妻鄉郡長公主自洛陽來馬三百疋尽奪易之兆聞乃
釋紹宗而問焉紹宗曰猶掌握中物也於是自追帝至灤垣會
漳水暴漲橋壞帝隔水拜曰所以借公主馬非有他故備山東
盜耳王受讒言曰來賜追今渡河而死不辭此衆更叛兆乃陳
無此意因輕馬渡與帝坐幕下陳謝遂授刀引頭使帝所以帝
大哭曰自天柱薨背賀六渾

臣欽若并曰賀六渾神武字也

更何所仰願大家

千萬歲以申力用今傍人構間至此大家何忍復出此言兆投
刀於地遂刑白馬而盟誓為兄弟留宿夜飯尉景伏士欲執
兆帝齧臂止之曰今殺之其黨必奔歸聚結兵飢馬瘦无所相
支若英雄並起則為害滋甚不如且置之兆雖勁捷而究校無

謀不足圖也旦日兆歸榮又召帝將上馬詣之孫騰牽衣乃上
隔水肆罵馳還晉陽兆心腹念賢領帝戶家累別為營帝偽與
之嘉觀其佩刀因取之以殺其從者盡散於是士衆咸悅倍願
附從既出滏口倍加約束纖毫之物不聽侵犯將過麥地帝輒
步牽馬遠近聞之皆稱高儀同將兵整肅益歸心焉遂前行也
僕求糧於相州刺史劉誕誕不供有車營租米帝自取之魏晉
泰元年二月神武自軍次信都高軌封隆之開門以待遂據冀
州是月爾朱度律廢長廣王而立節閔封帝為勃海王四月又
加東道大行臺第一鎮人酋長龐蒼鷹自大原來奔帝以為行
臺即尋以為安州刺史神武自向山東養士繕甲禁侵掠百姓
歸心乃詐為書爾朱兆將以六鎮人配契胡為部曲衆皆愁又

并州符徵兵討步落稽發萬人將遣之孫騰尉景為請留如此者再帝親送之郊雪涕執別人皆號慟哭聲動地帝乃喻之曰與爾朱鄉客義同一家不言在上乃爾徵詔直向西巴當死後軍明又當死配國人又當死柰何衆曰唯有反耳帝曰反是急計須推一人為王衆曰願奉帝曰爾鄉里難不見葛榮乎雖百萬衆無刑法終自灰滅今以吾為王當與前異不得欺漢兒不得犯軍令生死任吾則可不爾不能為取笑天下衆皆頓顙死生唯命帝曰若不得已明日殺牛饗士喻以討爾朱之意封隆之進曰千載一時普天幸甚帝曰討賊大順也極時大業也吾雖不武以死繼之何敢讓為六月庾子建義於信都尚未顯背爾朱氏及李元忠與高乾平殷州斬爾朱羽生首來謁帝撫膺曰賈顯智張歡入洛陽執世隆彥伯斬之兆奔并州仲遠奔梁州遂死焉時凶蠱既除朝廷慶悅帝至洛陽廢節閔及中興王而立孝武孝武即位以帝為天柱大將軍大師世襲定州刺史增封并十五萬戶帝自滏口入尔朱兆大掠晉陽北保秀容并州平帝以晉陽四塞乃建大丞相府而定居焉兆既至秀容分兵守嶮出入寇抄帝揚聲討之師出止者數四兆意怠帝揣其歲首當宴會遣竇泰以精騎馳之一日一夜行三百里帝以大軍繼之二年正月竇泰奄至爾朱兆庭軍人因宴休墜忽見泰驚走追破之於赤洪嶺兆自縊帝親臨厚葬之初帝之入洛也爾朱仲遠倍下都督喬寧張子期自滑臺歸命帝以其助亂且數反復皆斬之斛期椿由是內不自安乃與南陵王寶炬及武衛

將軍元略魏光王思政構帝於孝武舍人元士弼又奏帝受勅大不敬故孝武心貳於賀拔岳時司空高軌密啟帝言孝武之貳帝封呈孝武殺之天光元年二月封隆之與孫騰私言隆之喪妻孝武欲妻以妹騰亦未之信隆之泄其言於斛斯椿以白孝武又孫騰帶杖入省擅殺御史並立來奔稱孝武擣舍人梁續於前光祿少卿元子翰攘臂擊之謂騰曰爾高王元家兒拳正如此領軍婁昭辭疾歸晉陽魏帝於是以前斛斯椿兼領軍分置督將及河間關西諸刺史蔡雋罪以開府賈顓智為濟州刺史籛建州刺史韓賢濟州刺史蔡雋皆帝同義魏帝忌之故省建州以去賢使御史中尉熒雋罪以開府賈顓智為濟州刺史拒之魏帝愈怒五月下詔云將征句吳發河南諸州兵增宿衛守河橋六月丁巳密詔帝曰宇文黑獺自平破秦隴多求非分脫有變非事資經畧但袁啟未全背戾進討事涉忿忿遂召群臣議其可否僉言假稱南伐內外戒嚴一則防預不虞二則以威吳楚時魏帝將伐帝部恐帝部將師慮疑故有此詔帝乃表曰荊州縉接蠻左密邇畿服關隴特遠將有逆圖臣今潛勒兵馬三萬擬從河東而渡又遣鎮州刺史庫狄干瀛州刺史郭瓊汾州刺史斛律金前武衛將軍彭樂擬兵四萬從其來遠津渡遣領軍將軍婁昭相州刺史竇泰前燕州刺史堯雄并州刺史高隆之擬兵五萬以討荊州遣冀州刺史尉景前冀州刺史高敖曹濟州刺史蔡雋前侍中封隆之擬山東兵七萬突騎五萬以征泥左皆約勒所部伏聽處分魏帝知竟其變乃出帝表命

群臣議之欲止帝之軍帝乃集在并州僚佐令其博議還以表聞仍以信誓自明忠欵日為嬖佞所間陛下一旦賜疑令猖狂之罪爾朱時計臣若不尽誠謁節敢負陛下則使身受天殃子孫殄絕陛下若垂信心赤使干戈不動佞臣一二人願斟量廢黜辛未魏帝復錄在京文武議意以答帝使舍人温子昇草勅子昇逡巡未敢作魏帝據胡床拔劔作色子昇乃為勅曰前持赤心以示王深冀彼此共相體悉而不良之迹坐生間貳近孫騰倉卒向彼致使聞者疑有異謀故遣御史申尉綦雋具申朕懷今得王啓言誓懇惻及覆思之猶所未解以朕眇身遇王武畧不勞尺刃坐為天子所謂生我者父母貴我者高王今若無事背王規相攻討則使身及子孫還如王誓皇天后土實聞此

言近慮宇文為亂賀拔勝應之故綦嚴欲與王俱為聲拔宇文今日使者相望觀其所為更無異迹賀拔在南開拓邊境為國立功念無可責君若欲分謗何以為詞東南不賓為日已久先朝已來置之度外今天下戶口減半未宜窮兵極武朕既闇昧不知佞人是誰可列其姓名令朕知也如聞庫狄千語王云本欲取懦弱者為主王無事立此長君使其不可駕御今今俱作十五日自可廢之更立餘者如此議論自是王聞動人豈出佞臣之口去歲封隆之背叛今年孫騰逃走不送誰不怪王騰既為禍胎曾無魏主若事君及誠何不斬送二首王雖啟圖西去而四道俱進或欲南度洛陽或欲東臨江左言之者猶怪聞之者寧能不疑王若守誠不貳宴然居北在此雖有百萬之衆終

無圖坡之心王脱信邪忘義卒旗南指縱無匹馬隻輪猶欲奮
空拳而爭死朕本寡德王立之百姓無知或謂實可若為他所
圖則彰朕之惡假令還為王殺幽辱塵粉了無遣恨向者王既
以德見推以義見奉一朝皆德舍義便是過有所歸本望君臣
一體若合符契不圖今日分踈到此古語云越人射我笑而道
之吾兄射我泣而道之朕既親王情如兄弟所以投筆拊膺不
竟歔歔初帝自京師將北以為洛陽文經喪亂王室衰盡雖有
山河之固土地褊狹不如鄴請遷都魏帝曰高祖定鼎河洛為
永永之基經營制度至世宗乃畢王既功在社稷宜遵大和舊
事帝奉詔至是復謀焉遣三千騎鎮建興益河東及濟州兵於
白溝慮舡不敢向洛諸州和糴粟運入鄴城魏帝又勅帝曰王
若厭伏人情杜絕物議唯有歸河東之兵罷建興之戍送相州
之粟追濟州之軍令蔡雋受代使邸珍出徐止戈散馬各事家
業脱須糧廩別遣轉輸則讒人結古疑悔不生王高枕大原朕
垂拱京洛終不奉足渡河以干戈相殘王若馬首南向問鼎輕
重朕雖無武欲止不能必為社稷宗廟出萬死之策決在於王
非朕能定為山止簣相為惜之魏帝時以任祥為兼尚書佐僕
射加開府祥棄官走至河北據郡待帝魏帝乃勅文武官北來
者任去留下詔罪狀帝為北伐經營帝勒馬宣告曰孤遇爾朱
擅權卒大義四海奉戴主元武怒幽明橫為斛斯椿讒構以誠
節為逆首昔趙鞅與晉陽之甲諸君側惡人令者南邁誅椿而
已以高昂為前鋒曰若用司空言豈有今日之卒司馬子如答

帝曰本欲立小者正為此耳魏帝徵兵關右負賀拔勝赴行在所遣大行臺長孫奉業大都督頻川王斌之斛斯椿共鎮武牢汝陽王暹鎮右濟行臺長孫子彥帥前弘農大守元洪畧鎮陝賈顛智豫州刺史斛斯元壽伐蔡雋帝使竇泰與左相大都督莫多婁貳文逆顛智韓賢逆享元素軍降泰貳文與顛智遇於長壽津顛智陰約降引軍退軍司元玄覺之馳還請益師魏帝遣大都督侯幾紹赴之戰於滑臺東顛智以軍降紹死之七月魏帝躬率大衆屯河橋帝至河北十餘里再遣口申誠欵魏帝不報乃引軍渡河魏帝問計於群臣或云南依賀拔勝或云西就關中或云守洛口死戰未決而元斌之與斛斯椿爭權不睦斌之棄椿還給魏帝云帝兵至即日魏帝遜於長安己酉帝入洛陽於永寧寺八月甲寅召集百官謂曰為臣奉主拯救危亂若處不諫爭出不陪隨緩則耽寵爭榮急便逃竄臣卽安在遂收開府儀同三司叱列遙慶廉尚書左僕射辛雄兼吏部尚書崔孝芬都官尚書劉夔兼度支尚書楊撓散騎常侍侍中元士弼並殺之誅其貳也士弼藉沒家日常以萬機不可曠廢乃與百僚議其請河王亶為大司馬居尚書下舍而承制決事焉王稱警蹕帝尋至弘濃遂西克潼關執毛洪賓進軍長城龍門都督薛崇禮降帝退舍河東命行臺尚書長史薛瑜守潼關大史高昂行豫事帝自發晉陽至此凡四十啟魏帝皆不答九月庚寅帝還至洛陽乃遣僧道榮奉表關中又不答乃集百寮沙

門者老議所推立以為自孝昌棄亂國統中絕神主靡依昭穆失序永安以孝文為伯考永熙遷孝明相夾室業喪祚短職此之由議立清河王世子善見事是為孝靜帝魏於是始分為二帝以孝武既西恐逼峭峽洛陽復在河外接近梁境如向晉陽形勢不能相接依議遷鄴護軍祖營贊焉詔下三日車駕便發戶四十萬狼狽就道帝留洛陽部分事畢還晉陽自是軍國政務皆歸相府二年正月西魏渭州刺史爾朱渾道元擁衆內屬帝迎納之壬戌帝襲擊山胡劉蠡升大破之是月孝靜褒詔以帝為相國假黃鉞劔履上殿入朝不趨帝固辭三月帝欲以女妻蠡升太子侯其不設備辛酉潛師襲之其北部王斬蠡升首以送其衆復立其南子海王帝進擊之又獲南海王及其弟西海王北海王皇后公卿以下四百餘人胡魏五萬戶三年正月甲子帝師庫狄干等萬騎圍西魏夏州身不火食四日而至縛矛為梯夜入其城於是生禽貴也頭斛拔俄弭架因而用之屈都張督瓊以鎮守迂其部落五千戶以歸西魏靈州刺史曹泥與其壻涼州刺史劉豐遣使請內屬周大祖圍泥水灌其城不沒者四尺帝命阿羅至發騎三萬經度靈州統山西後獲馬五十匹西師乃退帝率騎迎泥豐生拔其遺戶五千以歸復泥官爵孝靜詔加帝元錫固讓乃止二月帝令阿羅至逼西魏秦州刺史建忠王万候普撥帝以衆應之三月普撥與其子太宰壽會于幽蒲津以冰簿不得赴救乃班師是月高昂剋上洛十一月壬辰帝西討目蒲津濟衆二十萬周大祖軍於沙苑帝以地

既少却西人鼓噪而進軍大亂棄器甲十有八万帝跨橐駝候
船以歸元象元年三月辛酉帝固請解丞相孝靜許之七月壬
午行臺候景司徒高昂圍西魏將獨狐信於金墉西魏帝及周
太祖并來赴救大都督庫狄干師諸將前驅帝摠衆繼進八月
辛卯戰於河陰大破西魏軍俘獲數萬司徒高昂大都督李猛
宗顯死之西帥之敗獨狐信先入關周太祖留其都督長孫子
彥守金墉遂燒營以遁帝遣兵追奔至峭不及而還初帝知西
師來侵自晉陽率衆馳赴至孟津未濟而軍有勝負既而帝渡
河子彥亦棄城走帝遂毀金墉而還十一月庚午朝京師十二
月壬辰還晉陽興和元年七月丁丑孝靜進帝為相國錄尚書
事固讓乃止十二月乙丑帝以新營城朝於鄴辭勃海王及都

督中外諸將事詔不許四年五月辛巳朝鄴六月甲辰還晉陽
九月帝西征十月巳亥圍西魏儀同三司王思政於王壁城欲
以挑敵西師不敢出武定元年二月壬申北豫州刺史高慎據
虎牢西叛三月壬辰周太祖率衆拔高慎圍河橋南城戊申帝
大敗之於荒山擒西魏督將巳下四百餘人俘斬六萬計是時
軍士有盜殺驢者軍令應死帝弗殺將至并州決之明日復戰
奔西軍告帝所在西師尽銳來攻衆潰帝失馬赫連陽順下馬
以授帝與蒼頭馮文洛扶上俱走西魏大帥賀拔勝以十三騎
逐帝河州刺史劉徽洪射中其二勝稍將中帝段先橫射勝馬
殪遂免豫洛二年平帝使劉豐追奔至弘農還八月孝靜詔帝
為相國錄尚書事固辭乃止十二月巳卯朝京師庚辰還晉陽

二年三月癸巳帝巡行冀定二州因朝京師四月丙辰還晉陽十一月帝討山胡破平之俘獲一萬餘戶口分配諸州三年正月甲午開府儀同三司爾朱文暢開府司馬任胄都督鄭仲禮中府主簿李世林前開府參軍房子遠等謀弒帝因十五夜投簇乘月而入其黨薛季孝以告並伏誅三月乙未帝朝鄴丙午還晉陽四年八月帝將西伐自鄴會兵於晉陽九月圍玉壁以挑西師不敢應西魏晉州刺史常孝寬守玉壁城中出鐵面帝使元溢射之每中其北北天險也乃起土山鑿十道又於東面鑿二十道以攻之城無水汲於汾帝使移汾一夜而畢孝寬奪據土山頓軍五旬城不援死者七萬人聚為一冢是月帝有疾十一月庚疾班師以功解都督中外諸軍事五年正月丙午

終於晉陽天保初文宣即位追崇為獻武帝廟號太祖

世宗文襄皇帝神武長子魏中興元年為渤海王世子二年加侍中開府儀同三司尚孝靜帝妹馮翊長公主天平元年加使持節尚書令大行臺并州刺史三年入朝輔政加領左右京畿大都督興和二年加大將軍領中書監武定四年十一月神武西討不豫班師帝馳赴軍所侍衛還晉陽五年正月神武晏駕七月魏帝詔以帝為使持節大丞相都督中外諸軍錄尚書事大行臺渤海王八月戊辰文襄啓申武遺令請減國邑分封將督各有差辛未朝鄴固辭丞相魏帝詔曰既朝野攸憑安危所繫不得令遂本懷須有權奪可復前大將軍餘如故七年七月辛卯遇盜而終文宣受禪追謚為文襄皇帝廟號太宗顯祖文

宣皇帝神武第三子時大平二年授散騎常侍驃騎大將軍儀
同三司左光祿大夫大原郡開國公武定元年加侍中二年轉
尚書左僕射領軍將軍五年授尚書令中書監京畿大都督武
定七月七月文襄遇害帝乃走晉陽親摠庶政十一月梁齊州
刺史茅靈斌德州刺史劉領隊南豫州刺史皇甫奭等並以州
內屬八年正月魏帝詔進帝位使持節丞相都督中外諸軍錄
尚書事大行臺齊郡王食邑一万户三月進封齊王五月進相
國摠百揆封冀州之渤海長樂安德武邑瀛州之河間高陽之
章武定州之中山常山博陵十郡邑二十萬戶加九錫殊禮齊
王如故遣兼大尉彭城王韶司空潘相樂冊命曰於戲敬聽朕
命夫唯天為大列星宿而垂象謂地蓋厚疏川嶽以阜物所以
四時代序萬類駢羅庶品得生群形各正然則皇王統曆深視
高車拱然垂衣寄成師相此則夏伯殷尹竭其股肱周成漢昭
無為而治也往者天下多難國命如流則我宗廟之業將墜於
地齊獻武王奮迅風雲大濟區域援翼朕躬國為再造經營庶
士以至勤憂及文襄承構愈廣前業康邦夷難道格穹蒼王縱
德應期千零一出唯幾唯深乃神乃叡大崇霸德寔廣相猷雖
宜切妙實莫絕言象標声示迹典禮宜宣令由後命其敬虛受
王搏風初牟建持土地庇民立政時雨滂流下識兼恥仁如水
陸移風易俗自齊變魯此王之功也仍攝天臺摠參戎律策出
若神威行朔土引方竄跡私塞無煙此又王之功也建先統前
緒持衡九合華戎混一風海調夷日月光華天地清晏声接響

隨無思不偃此又王之功也
逝矣炎方逋違正朔懷文曜武受
略申規淮楚連城漼然桑落此又王之功也
關峴矜帶跨躡蕭暢胃之地嶽鴟踣跣師
總指渙同冰散此又王之功也
晉熙之所憮簿江雷迴隔声教迷方未改命
將鞠旅覆其巢穴威畧風騰傾懾南海此
又王之功也
群蠻跋扈世絕南疆搖蕩邊垂亟為塵梗
懷德畏威向風順請傾匱尽洛其至如雲
此又王之功
胡人別種延蔓山谷酋渠万族廣哀千里
憑險不恭恣其傑黠有樂溥風相攜叩款
粟帛之調王府充積此又王之功也
茫上涉海世敵諸華風行鳥遊倏來忽往
既飭醇醪附同膠漆氈裘委物竒獸御尾
此又王之功也
秦川尚阻作我仇讎爰挹椒蘭飛書請好
天動其衷辭畢礼厚區宇又寧遐迩畢至此
又王之

功也
江陰告禍民無適歸蕭宗子弟尚相投庇如鳥還山猶川
赴海荆江十部俄而獸割乘此會也將混朱方此又王之功也
天平地成率土咸茂旗符顯見史不停筆既連百木兼成九尾
素過泰雀蒼北周鳥此又王之功也
搜揚管庫衣冠獲序礼云樂云銷沉俱振輕搖撤賦矜獄
寬刑入信外彰深仁遠洽此又王之功也
王有安天下之大勲加以表光明之盛德宣贊洪猷以左右朕言
昔旦與外分毛畢入位出内之任王宜揔之人謀鬼謀兩儀協契
錫金之行義申公道以王踐律蹈禮軌物蒼生圖首安志率心歸道
是以錫王大輅戎輅各一玄牡二駟王深重民天唯本是務衣食之用
榮辱所由是用錫王袞冕之服赤舄副馬王深廣惠和易調風化神祇
且革功德可豫是用錫王

軒懸之樂六佾之舞王風聲振赫九域咸綏遠人率俾奔走委
盡是用錫王朱戶以居王求賢選衆草萊以盡陳力就列罔非
其人是用錫納陛以登王英圖猛槩柳揚千品毅然之節肅是
非人是用錫王虎賁之士三百人王興卞所繫制極幽顯糾行
大討罪人斯得是用錫王斧鉞各一王鷹揚豹變是扶下土狼
顧鴟張罔不禪射是用錫王彤弓一彤矢百盧弓十盧矢千王
孝弟之道通於神明率民興行咸達區宇是用錫王鉅鬯一卣
珪瓚副焉往欽哉其抵順往冊保弼皇家用終爾休德對揚戎
大祖之命顯又詔以齊國大妃為王太后戊午遂授魏帝禪

新刊監本冊府元龜卷第一百八十六

新刊監本冊府元龜卷第一百八十七

閔位部六

勲業第五

梁大祖神武元聖孝皇帝宋州碭山縣人也未冠而孤母王氏
攜養寄於蕭縣人劉崇之家帝既壯以雄勇自負唐禧宗乾符
中閩東荐飢群賊嘯聚黃巢因之起於曹濮飢民頭附者凡數
萬帝乃辭宗家與仲允存俱入巢軍以力戰屢捷得補為隊長
唐廣明元年十二月甲申黃巢陷長安遣帝領兵屯於東渭橋
是時夏州節度使諸葛爽率所部屯于櫟陽巢命帝招諭爽爽
遂降於巢中和二年二月巢以帝為東南面行營先鋒使令攻
南陽下之六月帝歸長安巢親勞於灊上七月巢遣帝西拒邠

岐郟夏之師于興平所至皆立功二年二月巢以帝為同州防禦使使自攻取帝乃自舟州南行以擊左馮翔拔之遂據其郡時河中節度使王重榮屯兵數萬糾合諸侯以圖興復帝與之時鄰封屢為重榮所敗遂請濟師于巢表章十上為偽軍使孟楷所蔽不達又聞巢軍勢蹙諸校離心帝知其必敗九月帝遂與左右定計斬為監軍使嚴實舉郡降於重榮重榮即日飛章上奏時僖宗在蜀覽表而喜曰是天賜予也乃詔授帝左金吾衛大將軍充河中行營副招討使仍賜名全忠自是帥所部與河中兵士偕行所向無不克捷三年三月僖宗制帝宣武武軍節度使依前充河中行營副招討使仍令收復京闕即得赴鎮四月巢軍自藍關南走帝與諸侯之帥俱收長安乃率部下一旅之衆伏節東下七月丁卯入於梁苑是時帝年三十有二時蔡州刺史秦宗權與黃巢餘孽合從肆害共圍陳州久之僖宗乃命帝為東北面都招討使時汴宋連年阻飢公私俱困帑廩皆虛外為大敵所攻內則驕軍難制交鋒接戰日甚一日人皆危之惟帝銳氣益振是歲十二月帝領兵於鹿邑與巢衆相遇縱兵擊之斬首二千餘級乃引兵入亳州因是兼有譙郡之地四年春帝與許州田悅異下諸軍同收瓦子寨殺賊數萬衆是時陳州四面賊寨相望驅虜編氓殺以充食號為春磨寨帝分兵翦撲大小凡四十戰四月丁巳收西華寨賊將黃勣單騎奔陳帝秉勝迎之鼓噪而進會黃巢遁去遂入陳州刺史趙犇迎於馬前俄聞巢黨尚在陳北故陽壘帝遂返歸大梁是時河東

節度使李克用奉僖宗詔統騎軍數千同謀破賊與帝合勢於
中年北邀擊之賊衆大敗於王滿渡多束手來降時賊將霍存
葛從周張歸厚張歸霜皆匍匐於馬前悉宥而納之遂逐殘寇
東至於兗旬五月甲戌帝與晉軍振旅歸汴館克用於上源驛
既而備犒宴之禮克用秉醉任氣帝不平之是夜命申士圍而
攻之會大雨雷電克用因得於電光中踰垣遁去惟殺其部下
數百人而已六月陳人感解圍之惠為帝建生祠堂於其郡是
歲黃巢雖歿而蔡州秦宗權繼為巨孽有衆數萬攻陷鄰郡殺
掠吏民屠害之酷更甚巢賊帝患之七月遂與陳人共攻蔡賊
於淝水殺數千人九月己未僖宗加帝檢校司徒同平章事封
沛郡侯食邑千戶光啟元年春蔡賊掠亳穎三郡帝帥帥以救

之遂東至於焦夷敗賊衆數千生擒敗將殷鐵林梟首以殉三
軍而還二月僖宗自蜀還長安改元光啟四月戊辰就加帝檢
校太保增食邑千五百戶十二月河東太原之師逼長安觀軍
容使田令孜奉僖宗出幸鳳翔二年春蔡賊益熾時唐室微弱
諸道州兵不為王室所用故宗權得以縱毒連陷汝洛懷孟唐
鄧許鄭圍幅數千里殆絕人煙惟宋亳滑穎僅能閉壘而已帝
累出兵與之交戰然或勝或負人甚危之三月庚辰僖宗降制
就封帝為沛郡王是月僖宗移幸興元五月嗣襄王煚僭即帝
位於長安改元為建身遣使齎偽詔至汴帝命焚之于庭未幾
襄王果敗七月蔡人逼許州節度使鹿宴弘使來求救帝遣葛
從周等率師赴援師未至而城陷宴弘為蔡賊所害十一月滑

州節度使安師儒以怠於軍政為部下所殺帝聞之乃遣朱珍
李唐實襲而取之由是遂有滑臺之地十二月僖宗降制就加
帝檢校大傅改封吳興郡王食邑三千戶是歲鄭州為蔡賊所
陷刺史李璿單騎來奔帝宥而納之以為行軍司馬宗權既得
鄭益驕帝遣裨將邏於金隄驛與賊相遇因擊之賊衆大敗追
至武陽橋斬首千餘級帝每與蔡人戰於四郊既以少擊衆常
出奇以制之但患師少未快其志宗權又以已衆十倍於帝恥
于累敗乃誓衆堅志以攻夷門既而獲蔡人謀者備知其事遂
謀濟師焉二年春二月乙巳承制以朱珍為淄州刺史俾募兵
於東道且慮蔡人暴其麥苗期以夏首迴歸珍既至淄棣旬日
之內應募者萬餘人又潛襲青州獲馬千匹鎧甲稱是乃鼓行
而歸四月辛亥達於夷門帝喜曰吾事濟矣是時賊將張胄屯
於北郊秦賢屯於版橋各有衆數萬樹柵相連二十餘里其勢
甚盛帝謂諸將曰此賊方今息師蓄銳候其時必來攻我况宗
權度吾兵少又未知珍來謂吾畏懼止於堅守而已今出不意
不如先擊之乃親引兵攻秦賢寨將士踊躍爭先賊果不備連
拔四寨斬首萬餘級時賊衆以為神助庚午賊將盧塘領萬餘
人於圃田北萬勝戍夾汴水為營跨河為梁以扼運路帝擇精
銳以襲之是日昏霧四合兵及賊壘方竟遂突入掩殺赴水死
者甚衆盧塘自投于河南諸賊連敗不敢復駐皆併在張胄寨
自是蔡寇皆懷震懼往往軍中自相驚亂帝旋師休息大行犒
賞由是軍士各懷憤激每遇敵無不奪勇五月丙子出酸棗門

自邠至未短兵相接賊衆大敗追斬二十餘里僵仆相枕宗權
恥敗益縱其害乃自鄭州親領突將數人徑入張旌寨其曰晚
大星殞於賊壘有聲如雷辛巳克鄆滑軍士皆來赴援乃陳兵
於汴水之上旌旗罍甲甚盛蔡人望之不敢出寨翌日分布諸
軍齊攻賊寨自寅至申斬首二萬餘級會夜收兵獲牛馬輜重
生口器甲不可勝計是夜宗權眊遁去遲明逐之至陽武橋而
還宗權至鄭州乃尽焚其廬舍屠其郡人而去使蔡人分兵寇
陝洛孟懷許汝皆先據之因是敗也賊衆恐懼咸棄之而遁帝
乃慎選將佐俾完緝壁壘為戰守之備於是遠近流亡復歸衆
矣是時揚州節度使高駢為裨將畢師鐸所害復有孫儒楊行
密互相攻伐朝廷不能制乃就加帝檢校太尉兼領淮南節度

使九月亳州裨將謝殷逐刺史宋襄自據其郡帝領軍屯於大
清宮遣霍存討平之帝之禦蔡寇也鄆州朱瑄襄州朱瑾皆領
兵來援及宗權既敗帝以瑄瑾宗人也又有力於已皆厚禮以
歸之瑄瑾以帝軍士勇悍私心愛之乃密於曹濮界上懸金帛
以誘之帝軍利其貨而赴者甚盛帝乃移檄以讓之自朱瑄來
詞不遜乃命朱珍侵曹伐濮以懲其姦未幾珍伐曹州執刺史
立礼以獻遂移兵圍濮克鄆之釁自茲而始矣十月僖宗命水
部郎中王贊撰紀功碑以賜帝是月帝親騎數千巡師於濮上
因破朱瑄援軍於范縣丁未攻陷濮州刺史朱裕單騎奔鄆尋
為鄆人所敗踰月乃還十二月僖宗遣使賜帝鐵券又命翰林
丞吉劉崇望撰德政碑以賜帝閏月甲寅帝請行軍司馬李璠

權知淮南留後乃遣大將郭言領兵援送以赴揚州文德元年
正月帝率師東赴淮海行次宋州聞楊行密已拔揚州遂還是
時李璠郭言行至淮上為徐戍所扼不克進而迴帝怒遂謀伐
徐二月丙戌僖宗制以帝為蔡州四面行營都統由是諸鎮之
師皆受帝之制度三月庚子昭宗即位是月蔡人石璠領萬衆
以剽陳亳帝遣朱珍率精騎數千擒璠以獻四月戊辰魏博樂
彥禎失律其子從訓出奔相州使來乞師帝遣朱珍領上軍濟
河連牧黎陽臨河二邑既而魏軍推小校羅弘信為師弘信既
立遣使送款於汴帝優而納之遂命班師是月河南尹張全義
襲李罕之於河陽克之罕之單騎出奔因乞師於大原李克用
為發萬騎以援之罕之遂收其餘衆與晉軍合勢急攻河陽全

義危急遣使求救於汴帝遣丁會牛存節為從周領兵赴之大
戰於溫縣晉人與罕之俱敗於是河橋解圍全義歸於河陽因
以丁會河陽留後五月己亥昭宗制以帝檢校侍中增食邑三
千戶戊辰詔改帝鄉曰錦衣鄉里曰汴王里是月帝以兼有洛
孟之地無西顧之患將大整師徒畢力誅蔡會蔡人趙德誣奉
漢南之地以歸於朝廷且遣使送款於帝仍誓勅力同討宗權
帝表其事朝廷因以德誣為蔡州四面副都統又以河陽保義
義昌三節度使為帝行軍司馬兼糧料應接使至是帝領諸候
之師會德誣以伐蔡敗蔡賊於汝水之上遂薄其城五日之內
樹二十八寨以環之孟象列宿之數也時帝親臨矢石一日飛
矢中其左腋血漬單衣顧謂左右曰勿洩九月以糧運不繼遂

班師是時帝之宗權殘孽不足為患遂移兵以伐徐十月先遣
朱珍領兵於是溥戰於吳康鎮徐人大敗連收豐簫二邑溥携
散騎馳入彭門帝命分兵以攻宿州刺史張友携符印以降既
而徐人閉壁堅守遂命龐師古屯兵守之而還是月蔡賊孫儒
攻陷陽州自稱淮南節度使龍紀元年正月龐師古攻下宿遷
縣建軍於治梁時溥領軍二萬晨整師古之軍而陣師古促戰
敗之斬首二千餘級溥復入於彭門二月蔡將申叢遣使來告
縛秦宗權於帳下折其足而囚之矣帝即日承制以叢為淮西
留後未幾叢復為都將郭璠所殺是月璠執宗權來獻帝遣行
軍司馬李璠牙校朱克讓檻進於長安既至昭宗御延喜樓受
俘即斬宗權於獨柳樹下蔡州平昭宗詔加帝食實封一百戶
賜莊宅各一區三月又加帝檢校大尉兼中書令進封東平王
賞平蔡之功也大順元年四月丙辰宿州小將張筠逐刺史張
紹光擁衆以朋時溥帝率親軍討之殺千餘人筠遂堅守乙卯
時溥出兵暴碭山縣帝遣朱友裕以兵襲之敗徐軍三千餘衆
獲沙陀援軍石君和等三十人斬於宿州城下六月辛酉淮南
孫儒遣使脩好於帝帝表其事請以淮南節度授于儒焉辛未
昭宗命宣義軍節度使克河東東面行營招討使時朝廷宰臣
張潛將兵討大原故也八月甲寅昭義都將馮霸殺沙陀所署
節度使李克恭來降帝請河陽節度使朱崇節為潞州留後戊
辰李克用自率蕃漢步騎數萬以圍潞州帝遣葛從周率驍勇
之士夜中啣枚犯圍而入於潞九月壬寅帝至河陽遣都將李

黨引軍趨渾潞行至馬牢川為晉人所敗帝又遣朱友裕張全義率精兵至渾州北以為應援既而崇節從周棄潞來歸戊甲酉帝自河陽赴滑臺時奉詔將討太原先遣使假道于魏魏人不從先是帝遣行人雷艱告羅於魏既而為牙軍所殺羅弘信懼故不敢從命遂通好於太原十二月辛丑帝遣丁會葛從周率衆渡河取黎陽臨河又令龐師古霍存下淇門衛縣帝徐以大軍繼其後二年春正月魏軍屯於內黃丙辰帝與之接戰自內黃至求定橋魏軍五敗斬首萬餘級羅弘信懼遣使持厚幣請和帝命止其焚掠而歸其俘弘信由是感悅而聽命焉乃收軍屯於河上八月己丑帝遣丁會急攻宿州刺史張筠堅守其

壁會乃率衆於州東築堰壅汴水以侵其城十月壬午筠遂降宿州平十一月丁未曹州裨將郭紹賓殺刺史郭饒奉郡來降是月徐將劉知俊率衆二千來降自是徐軍不振十二月兗州朱瑾領軍三萬寇單父帝遣丁會領大軍襲之敗於金鄉界殺二萬餘衆瑾單馬遁去景福元年正月遣丁會於兗州界徙其民數千戶於許州二月戊寅帝親征鄆先遣朱友裕屯軍於斗門甲申次衛南有飛鳥止於峻堞之上鳴噪甚厲副使李璠曰將有不如意之事是夜鄆州朱瑄率步騎萬人襲朱友裕於斗門友裕拔軍南去乙酉帝晨啟斗門不知友裕之退前至斗門者皆為鄆人所殺帝追襲鄆至瓠河不及遂領兵於村落間時朱瑄尚在濮州丁亥遇朱瑄率兵將歸於鄆遂來衝擊帝策馬

南馳為賊所追甚急前有浚溝躍馬而過張歸厚援孤力戰於
其後乃免時李璿與都將數人皆為鄆軍所殺五月丙午遣朱
克讓率衆暴克鄆之麥十一月遣朱友裕率兵攻濮州下之擒
刺史邵儒以獻濮州平遂命移軍伐徐州二年八月帝遣龐師
古移兵攻克駐於曲阜與朱瑾屢戰皆敗之十二月師古遣先
鋒葛從周引軍以攻齊州刺史朱威告急于克鄆既而朱瑄以
援兵至遂固其壘乾寧元年正月帝親領大軍曲鄆州東路北
次於魚山朱瑄覘知即以兵徑至且圖速戰帝整軍出寨時瑄
瑾已陣於前須臾東南風大起帝軍旌旗先次甚懼色帝即令
騎士揚鞭呼嘯俄而西北風驟發時兩軍皆在草莽中帝因令
縱火而煙燄亘天乘勢以攻賊陣瑄瑾大敗殺萬餘人餘衆擁
入清河因築京觀於魚山之下駐軍數日而還二年正月癸亥
遣朱友恭帥師復伐克遂整而圍之未幾朱瑄自鄆率步騎援
糧欲入于克友恭設伏以敗之盡奪其餉於高吳因擒蕃將安
福順安福慶二月己酉帝領親軍屯於單父以為友恭之援四
月濠壽二州復為楊行密所陷是時大原遣將史儼兒李承嗣
以萬騎馳入於鄆朱友恭遂歸於汴八月帝領親軍伐鄆至大
仇遣前軍挑戰設伏於梁山以待之既而獲蕃將史完府奪馬
數百匹朱瑄脫身過去復入於鄆十月帝駐軍於鄆齊州刺史
朱瓊遣使請降瓊即瑾之從父兄也帝因移軍至克瓊果來降
未幾瓊為朱瑾所紹掠而殺之帝即以其弟玘為齊州防禦使
十一月朱瑄復遣將賀環柳存及蕃將何懷寶等方餘人以襲

曹州庶解兗州之圍也帝知之自兗領軍策馬先路至鉅野南
追而敗之殺戮將生擒賀環柳存何懷寶及賊黨三千餘人
是日申時狂風暴起塵沙沸湧帝曰此乃殺人未足耳遂下令
盡殺所獲囚俘風亦止焉翌日繫賀環等以示于兗帝素知環
名乃釋之惟斬何懷寶於兗城之下乃班師十二月葛從周領
兵復戍兗既至與朱瑾戰於壘下殺千餘衆擒其將孫漢筠已
下二十人遂旋師三年正月河東李克用既破汾州欲謀爭霸
乃遣蕃將張汙落以萬騎寨於河北之葦縣聲言欲救兗鄆魏
博節度使羅弘信患之使來求援四月辛酉河東泛漲將壞滑
城帝令決隄岸以分其勢為二河夾滑城而東為害滋甚是月
帝遣許州刺史朱友恭領兵萬人渡淮以便耳從事時洪鄂二
州累遣使求援故有是行五月命葛從周統軍屯于洹水以備
蕃軍六月李克用帥蕃漢諸軍營于斥丘遣其男落落將鐵林
小兒三千騎薄于洹水從周與戰大敗之生擒落落以獻克用
悲駭請修舊好以贖其子帝不許遂執落落送于羅弘信斬之
越七月我軍還屯陽留以伐鄆八月復壁于洹水是時昭宗幸
華州遣使就加帝檢校太師守中書令四年正月帝以洹水之
師大率伐鄆辛卯營于濟水之次龐師古令諸將撤水為橋乙未
夜師古以中軍先濟聲振于鄆朱瑄聞之棄壁夜走葛從周遂
之至中都北擒瑄并其妻男以獻尋斬汴橋下鄆州平乙亥帝
入於鄆以朱友裕為鄆州兵馬留後時帝聞朱瑾與朱巖見在
豐沛間搜索糧饋惟留康懷英以守兗州帝因承勝遣葛從周

以大軍襲克懷英聞鄆失守俄又我軍大至乃出降朱瑾史儼
兗遂奔淮南克海沂密等州并平乃以葛從周為兗州留後八
月陝州節度使王珙遣使來乞師是時珙弟琦實為蒲師迭相
憤怨日尋干戈而珙兵寡故來求援帝遣張存敬楊師厚等領
兵赴陝既而與蒲人戰于猗氏大敗之九月帝以克鄆既平甲
士雄勇遂大率南伐命龐師古以徐宿宋滑之師直趨清口葛
從鄆以克鄆曹濮之衆徑赴安豐淮人遣朱瑾領兵以拒師古
因決水以浸軍遂為淮人所敗師古歿焉葛從周行及濠梁聞
師古之敗亦命班師先化元年正月帝遣葛從周統諸將畧地
於山東遂次於刑洛三月昭宗以帝兼領天下軍節度使餘如
故四月滄州節度使盧廷彥為燕軍所攻棄城奔于魏魏人送
於汴是月帝以大軍至鉅鹿屯於城下敗晉軍萬餘衆於青山
口俘馬千餘匹丁卯遣從周分兵攻洛州斬刺史邢善益擒將
五千餘人五月己巳邢州刺史馬師素棄城遁去辛未惠州刺
史表奉滔自刎而死五日之內連下三州因以葛從周兼邢州
昭義軍節度留後帝遂班師是時襄州節度使趙凝聞帝軍有
清口之敗密附於淮矣七月帝遣氏叔琮率師伐之未幾其泌
州刺史趙璠越墉來降隨州刺史趙琳臨陣就擒二年正月淮
南楊行密率全吳之衆精甲五萬以伐徐州帝領大軍禦之行
密聞帝親征乃收軍而退時豈州節度使劉仁恭大率番漢兵
號十萬以伐魏遂攻陷具州州民萬餘戶無少長悉屠之進攻
魏州魏人來乞師帝遣朱友倫張存敬李思安等先屯于內

黃帝遂親征三月與燕軍戰于內黃北燕軍大敗殺二萬餘衆
奪馬二千餘匹擒都將單無敵已下七十餘人是月葛從周自
山東領其部衆馳以救魏翌日乘勝諸將張存敬已下連破八
寨遂逐燕軍北至于臨清擁其殘寇於御河溺死者甚衆仁恭
奔於滄州六月帝表丁會為潞州節度使以李罕之疾亟故也
又遣葛從周由固鎮路入于潞州以援丁會七月壬辰朔海陳
漢賓擁所部三千奔于淮南戊戌晉人陷澤州帝遣召葛從周
於潞留賀德倫以守之未幾德倫為晉人所逼遂棄潞而歸由
是潞州復為晉人所有十一月陝州都將朱簡番後李瑋自稱
留後送款于帝三年四月遣葛從周以克鄆滑魏之師伐滄州
五月庚寅攻德州援之臬刺史傅公和於城上巳亥進攻浮陽

六月燕師劉仁恭大率來援從周與諸將逆戰于乾寧軍老鴉
隄大破之殺萬餘衆俘其將佐馬慎交已下百餘人既而以連
雨遂班師八月河東遣李進勇襲陷潞州執刺史朱紹宗帝遣
葛從周自鄆縣渡漳水屯于黃龍鎮親領中軍涉洛而寨晉人
惧而宵遁潞州復平九月帝以仁恭進通之入寇也皆由鎮定
為其囊橐即以葛從周為上將以伐鎮州遂攻下臨城渡滹沱
以環其城帝領親軍繼至鎮帥王裕惧納算請盟仍獻文繒二
十萬以犒戎士帝許之十月晉人以帝宿兵於趙遂南下太行
急攻河陽番後侯言與都將閻室力戰固守僅而獲全十一月
以張存敬為上將自甘陵發軍北侵幽薊連拔瀛莫二郡遂移
軍以攻中山定師王郜以精甲二萬戰于懷德亭尽殪之郜惧

奔于太原遲明大軍集于城下部季父處直持印鑰乞降亦以
繒帛三十萬為獻帝即以處直伐部領其鎮焉是月燕人刘守
光赴援中山寨于易水之上繼為康寧英張存敬等所敗斬獲
甚衆由是河朔知惧皆弭伏焉是歲唐左軍中尉刘季述出昭
宗於東宮内立皇子德王裕為帝仍遣其養子希度來言願以
唐之神器輸於帝時帝方在河朔聞之遽还于汴大計未決會
李振自長安使回因言於帝曰天豎刁伊戾之乱所以資霸者
之事也今闔豎幽辱天子王不能討無以令諸侯帝悟因請振
復使于長安與時宰潛謀反正天復元年正月乙酉朔唐宰相
崔裔潛使人以帝密旨告於侍衛軍將孫德昭已下令誅左
右中衛刘季述王仲先等即時迎昭宗於東内御樓反正癸
巳降制進封帝為帝王酬反正之功也昭宗之廢也汴之邸吏
程巖牽昭宗衣下殿帝聞之召巖至汴折其足送于長安杖殺
之是時河中節度使王珂結援於太原帝怒遣大將張存敬率
將涉河由畬山路行鼓而進戊申攻下絳州壬子晋州刺史張
漢瑜率郡來降帝即以大將侯言權領晋州何緡權領絳州晋
降平巳未大軍至河中存敬命繚其垣而攻之壬戌蒲人颺素
璠以請降庚午帝至河中以張存敬權領河中軍府事河中平
帝乃東迁是月李克用遣牙將張特來聘請尋舊好帝亦遣使
報命三日癸未朔帝自河中是月遣大將賀德倫氏叔琮領大
軍以伐太原叔琮等自太行路入魏博郡張文恭自磁州新口
入焉從周以充鄆之衆自土門路入洛州刺史張歸厚以本軍

自馬領入定州以本軍自飛狐入晉州侯言自陰地入澤州刺
史李存璋棄郡奔歸太原叔琮引軍逼潞州節度使迂乞降河
東北將李審建王周領步軍一萬騎二千詣叔琮歸命乃進軍
趨太原四月乙卯大軍出石會閔營於洞渦驛都將白奉國自
井徑入承天軍張歸厚引兵至遼州刺史張鄂迎降氏叔琮曰
與諸軍至城下城中雖出精騎來戰然危蹙至甚將謀遁矣會
叔琮以芻糧不給遂班師五月癸卯昭宗以帝兼領護國軍節
度使河中尹六月庚申帝發自大梁丁丑視事於河中七月甲
寅帝東還梁郟十月戊戌奉密詔赴長安是時朝廷既誅刘季
述以韓全誨張弘彦為兩軍中尉袁易簡周敬容為樞密使是
時軍國大政專委宰相崔裔每事裁柳宦官側目崔一日於便
殿奏欲盡去之全誨等屬恒聞之牽於昭宗前祈哀自訴自是
昭宗勅崔每有密奏令進囊封全誨等乃訪京城美婦人十數
以進使求宮中陰事昭宗不悟崔謀漸弛中官視崔皆裂以重
賂其言誘藩臣以為城社時因讌聚則相向流涕時崔掌三司
貨泉全誨等教禁兵伺崔出聚而呼譟訴以冬衣減損又於昭
宗前訴之昭宗不得已罷崔知政事崔怒急召帝請以兵入輔
故有是行戊申行次河中同州留後司馬鄴華之幕吏也奉郡
來降辛亥駐軍於渭濱華師韓建遣使奉牋納款又以三萬兩
助軍是日行次零口癸丑聞長安亂昭宗為閣官韓全誨等
劫遷西幸鳳翔蓋避帝之兵鋒也翌日遂命旋師又次於赤
水乙卯大軍集於華下韓建惶駭失措即以城降丙辰帝表

建權之中武軍事促令赴任同華二州平是時唐太子大師盧
知猷等二百六十三人列狀請帝速請迎奉己未遂帥諸軍發
自赤水壬戌次于咸陽偵者云天子昨暮至岐山旦日宋文通
扈驛入其圍矣是時岐人遣大將符道昭領兵萬人屯於武功
以拒帝帝遣唐懷英敗之虜甲士六千餘衆乙丑次於岐山文
通遣使奉書自陳其失請帝入勤丙辰及岐圍文通渝約閉壁
不獲通復次于岐山是時昭宗累遣使齎朱書御札賜帝遣帝
收軍速還本道諡之曰此必文通全誨之謀也皆不奉詔癸酉
飛章奉辭且移軍北伐乙亥至汾州節度使李繼徽奉城降繼
徽因請去文通所姓李姓復本宗楊氏又請納其帑以為質帝
皆從之仍易其名曰崇本汾州平己丑唐丞相崔裔京兆尹鄭
元規至華州以速迎奉為請許之二年正月帝復次於武功岐
人堅壁不下乃回軍於河中二月聞晉軍大率南下声言求援
鳳翔帝遣朱友寧帥師會晉州刺史氏叔瑊以禦之帝以大軍
繼其後三月友寧叔瑊與晉軍戰於晉州之北大敗之生擒克
用男廷鳶帝喜謂左右曰此岐人之所恃也今既如此岐之變不
久矣四月岐人遣符道昭領大軍屯於虢縣康懷帥驍騎敗
之丁酉唐相承崔襲自華來謁帝屢述艱危急事不可緩又慮
即闔擁昭君幸蜀且告帝為之動容崔將辭啓宴於府署帝奉
酒崔情激於懷因自持樂板声曲以侑酒帝甚悅座中以良馬
珍玩卷之既行命諸將繕戎具五月丁巳帝復西征六月丁丑
次於虢縣癸未與岐軍大戰自辰至午殺萬餘衆擒其將校數

百人乘勝逐逼其壘七月丙午岐軍復出求戰帝軍不利是月
遣孔勅帥師取鳳隴城三州皆下之是時岐民相率結寨於諸
軍以避帝軍帝分兵以討之決旬之內並平之九月甲戌帝以
岐軍諸寨聯絡稍因親統千騎登高診之是時帝以岐人堅
壁不戰且慮師老思歆旋旆以歸河中因密召上將數人語其
事時親從指揮使高季昌獨前出抗言曰天下雄傑窺此奉者
一歲矣今岐人已困少侯之帝嘉其言因曰兵法已正理以奇
勝奇者詐也乘機集事必由是乎乃命季昌募人入岐以給
之尋有騎士馬景堅願應命且曰是行也必無生理帝悽然止
其行景固請乃許之明日軍出諸寨屏匿如無人景因躍馬西
走直叩岐閨詐以軍怨東遁為告且言列寨尚留萬餘人是夕
將遁矣宜速掩之李茂貞信其言遽啓二扉悉衆來寇時諸馬
已介馬待之中軍一鼓百營俱進又分遣數騎以據其閨岐人
進不能駐其趾退不能入其壘殺戮蹂踐不知其數茂貞由是
喪膽但閉壁而已十一月癸卯鄜帥李周彝統兵萬餘人屯于
岐之北原與城中奉烽以相應翌日帝以周彝既離本部鄜時
必無守備因命孔勅乘虛襲下之甲寅鄜州平周彝聞之收軍
而遁茂貞既失鄜州之援愕然有瓦解之惧由是議還警蹕誅
闍寺以自贖焉三年正月甲寅岐人啓壁昭宗降使宣問慰勞
兼傳密旨尋又命翰林李士韓渥趙國夫人龐顏齋詔加賜帝
紫金酒盃御衣玉帶丙辰華州留後李存審遣飛騎來告青
州師度使王師範遣牙將張厚輦甲冑弓槊詐言獻來

欲盜據州城事竟已擒之矣是日師範又遣其將刘鄩盜據兗州丁巳昭宗遣中使押送軍容使韓全誨已下三十餘人以示帝甲子昭宗發離鳳翔幸左剏權駐蹕帝素服待罪昭宗命李士傳宣免之帝即入見稱罪拜伏數四既而促召并殿密迎御座且曰宗廟社稷是鄉再造朕與親屬是鄉再生因解所御玉帶面以賜帝亦以玉鞍勒馬金罌文錦御饌酒果等躬自拜進馬及翠華東行帝匹馬前導十餘里宣令止之己巳昭宗至長安謁太廟御長樂樓禮畢謂帝曰朕生入舊京是卿之力也自古救君之危魯無有如是者况今日再及清廟得親奉觴酒奠於先皇帝室前卿之德朕知不能報矣即召帝執手声淚俱發者久之翌日誅宦官第五可範等五百餘人于内侍省三月

庚辰制以帝為守太尉兼中書令宣武宣義天平護國等軍節度使諸道兵馬副元帥加食邑三千戶實封四百戶仍賜回天再造竭忠守正功臣戊戌帝建旆東還昭宗與延熹樓送之既醉遣内臣賜帝御制楊柳詞五首三月戊午至大梁時以青州未平命軍士幹以侯東征四月丙子帝巡師於臨朐亟命逼其城與青州戰于城下大敗之是夕淮將王景仁以所部援軍宵遁帝遣楊師厚追及輔唐殺千人乘勝攻下密州八月戊辰以代叛之柄委于楊師厚帝乃東還九月癸卯師厚率大軍與王師範戰於臨朐青軍大敗殺萬餘人并擒師範第既克即時徙寨以逼其城辛偏將刘重霸擒棗州刺史邵播來獻潘師範之謀主也帝命斃之戊午師範奉城請降青州平翌日分命將校

畧地於登萊淄棣等州皆下之由是東漸至海皆為梁土也帝復命師範權知青州軍州事師範乃請以錢二十萬貫犒軍帝許之十月辛巳護駕都指揮使朱友倫因擊鞠墮馬卒於長安報至帝大怒以為唐室大臣欲謀叛已致友倫暴死十一月丁酉青將劉鄩奉克州未降鄩王師範之將也師範令竊據兗州父之及聞師範降鄩乃歸命帝以鄩善事其主待之甚優鄩署為元帥府都押牙權知鄆州留後天祐元年正月己酉帝發自大梁西赴河中師京聞之為之震懼是時將議迎駕東幸洛陽慮唐室大臣共議帝乃密令護駕都指揮使朱友諒矯昭宗命收宰相崔裔京兆尹鄭元規等殺之時又邠岐兵士侵逼京畿帝因是上表堅請昭宗幸洛昭宗不得已而從之帝乃率諸道丁匠財力同構洛陽宮不數月而成二月乙亥昭宗駐蹕於陝帝自河中來覲謁見行宮因灑涕而言曰李茂貞等竊謀禍亂將迫乘輿老臣無狀請陛下東遷為社稷大計也昭宗延命於寢室見何皇后而賜酒盃及衣物何后謂帝曰此後大家夫婦委身於全忠矣因獻欵泣下後數日帝開宴於陝之私第請駕臨幸翌日帝辭歸洛陽昭宗開內宴時有宮人與昭宗附耳而語韓建躡帝之足帝遽出以為圖已因連上章請車駕幸洛三月丁未昭宗制以帝兼判左右神策及六軍諸衛事是時昭宗累遣中使及內夫人傳宣謂帝曰皇后方在草蓐未任就路欲以十月幸洛帝以陝州小藩非萬乘久畜之地時以四月內東幸閏月丁酉昭宗發自陝郡壬寅次于穀水是時昭宗左右

唯小黃門及打毬供奉內園小兒共二百餘人帝猶忌之是日
密令醫官許昭遠告變乃設饌於剌惟召而盡殺之皆坑於幕
下先是選二百餘人形貌大小一如內園人物之狀至是使人
一擒二人縊於坑所即蒙其衣及戎具自飾昭宗初不能辦久
而方察自是昭宗左右前後皆梁人矣甲辰車駕至洛都帝與
宰相百官尊駕入宮乙卯昭宗以帝為宣武宣議國忠武四鎮
節度使時常請以鄴州授張全義故有此命五月丙寅昭宗宴
群臣曰昨來御樓前一夜亡失赦書賴梁王收得副本不然誤
事宰執不得無過矣是日宴次昭宗入內召帝於內殿曲宴
帝不測甚事不敢奉詔又曰卿不欲來即令敬翔入來帝密遣
翔出乃止己巳奉辭東歸乙亥至大梁六月帝遣都將朱友裕

率帥討邠州時節度使楊崇本歿故也癸丑帝西征遂朝於洛
陽七月甲子昭宗宴帝於文思鞠場乙丑帝發東都壬申至河
中八月壬寅昭宗遇弒於大內遣制以禪王祝為嗣乙巳帝自
河中引軍而西癸丑次於永壽邠軍不出九月辛未班師十月
癸巳至洛陽詣西內臨於梓官前畢祇見于嗣君辛丑制以帝
至自西征十一月辛丑光州遣使來求援時光州歸欵於帝尋
為淮人所攻故來乞師戊寅帝南征渡淮次于霍丘大掠廬壽
之境淮人乃棄光州而去二年正月庚申進攻壽州壽人堅壁
不出乙亥帝自盧丘班師二月辛卯帝至自南征甲午青州節
度使王師範至大梁帝待以賓禮尋表授河陽節度七月辛酉
天子賜帝述聖紀功碑樹於洛陽庚午遣大將楊師厚率前軍

討趙疑于襄州辛未帝南征表趙凝罪狀請削奪官爵八月楊
師厚進收唐鄧復郢隨均房等七州帝駐軍漢江北自循江干
經度濟師之所九月甲子師厚於陰谷江口造梁以齊師趙疑
率兵二萬陳于江渭師厚麾兵進擊襄人大敗殺萬餘衆乙丑
趙疑焚其州率親軍載輕舸泅漢而遁丙寅帝濟漢至中流舟
壞將沒者數四比及岸舟沉是日入襄州帝因視府署其帑藏
悉空惟於西廡下有一亭窓戶儼然扃鎖甚密遂令破鑊啟扉
中有一大匱緘鐫甚至又令破其匱內有金銀數百錠帝因歎
日亂兵既入公私財貨固無孑遺矣此帑當有陰物之主不令
常人所得候我以有之邪遂以百餘錠賜楊師厚襲荊州番後
趙明并城上峽奔蜀荆襄二州平帝以都將賀瓌權領荊州楊
師厚權領襄州即表其事十月丙戌朔天子以帝為諸道兵馬
元帥辛卯帝自襄州引軍由光州路趨淮南將發敬翔切諫請
班師以全軍勢帝不聽壬辰次于棗陽遇大雨頗阻師行之勢
軍至壽春壽人堅壁清野以待帝帝乃退舍於正陽十一月丙
辰大軍北濟帝至汝陰深悔淮南之行躁撓尤甚丁卯帝至自
南征辛巳天子命帝為相國摠百揆以宣武宣義天平護國天
雄武順佑國河陽義武昭義保義昭武定秦寧平盧彰國武寧
忠義荆南等二十一道為魏國進封帝為魏王入朝不趨劍履
上殿讚拜不名兼備九錫之命癸未唐中書門下奏中書印已
送相國中書公事權用中書省印甲申中書門下奏天下州縣
名與相國魏王家諱同者請易之十二月己酉朔帝讓相國魏

王九錫之命甲戌京百司各差官齋本司須知孔目并印赴魏國送納甲午天子以帝堅讓九錫之命乃命宰相柳璨來使且述揖讓之意焉丁酉帝又讓九錫之命詔畧曰但以鳴名難掩懿實須彰宜且徇於奏陳未便行於典冊又改諸道兵馬元帥為天下兵馬元帥是時帝以唐朝百官服飭多闕乃製造逐色衣服請朝廷等第賜之其所給俸錢仍請自來年正月全止三年正月出滄州兵將寇于魏魏人來乞師且以牙軍驕悍欲謀誅之遣親吏臧延範密告于帝帝陰許之乙丑北征先是帝之愛女適羅氏是月卒於鄴城因以兵仗數千事實于橐中遣客將馮嗣勳領長直軍千人雜以工匠丁天肩其橐而入於魏言為帝女以設祭魏人信而不疑庚午夜嗣勳率其衆與羅紹威親軍數百人同攻牙軍遲明盡殺之死者七千餘人洎于嬰孺亦無留者是日帝次於內黃聞之馳騎至魏時魏之大軍方與帝軍同伐滄州聞牙軍之死即時奔還帝之軍追及歷亭殺賊幾千餘衆乃擁大將史仁遇保于高唐帝遣兵圍之是月天子詔河南尹張全義部署修置相國魏王法物三月甲寅天子命帝摠判益鐵度支戶部等三司事帝再上章切讓之乃止四月癸未攻下高唐軍民無少長皆殺之生擒逆首史仁遇以獻命支解之未幾又攻下澶博具衛等州皆謂衛軍殘黨所據故也是時晉人圍邢州刺史牛存節堅壁固守帝遣符道昭帥師救之晉人乃遁去五月帝畧地于涪州既而復入于魏七月己未自魏班師是日收復相州自是魏境悉平壬申帝歸自魏八

月甲辰以滄州未平復命北征九月丁卯營于長蘆一夕帝夢
白龍附于兩肩左右瞻顧可畏恍然驚悟十月辛巳邠州楊崇
本以鳳翔邠寧涇鄜秦隴之衆合五六萬來寇死于美原列十
五寨其勢甚盛帝命同州節度使劉知俊都將康懷英帥師禦
之知俊等大破邠寇殺二萬餘衆奪馬三千餘匹擒其列校百
餘人楊崇本胡章僅以身免十一月庚戌康懷英進軍東勝遂
收鄜州十二月乙丑帝以文武常叅官每月一五九日起朝奏
請備瘠食詔從之閏月晉人燕人同攻潞師丁會奉城降于太
原帝聞之遂自長蘆班師時寨內糧糗山積帝命焚之滄帥劉
守文以城中絕食因致書于帝乞留餘糧以救飢民帝為留十
餘困以與之四年正月丁亥帝回自長蘆次于魏州節度使羅
紹威以帝回軍慮有不測之患由是供億甚至因密以天人之
望切陳之帝雖拒而不納然心德之壬寅帝至自長蘆甲辰天
子遣御史大夫薛貽矩來傳禪代之意貽矩謁帝陳北面之禮
帝揖之并階貽矩曰殿下功德及人三灵所卜已定皇帝方議
裁詔行舜禹之事臣安敢違既而拜伏於砌下帝側躬以避之
四月丙申傳國宝玉冊受禪寶及文物儀仗朝于梁國改元開
平

新刊監本冊府元龜卷第一百八十八

閔位部七

紹位

年號

夫易著繼明之義傳有世及之文皆所以紹祖考而保成基也
其或叔世琅虞庶邦離析或專制寓內或奄據一隅端委纂戎
傳世承祀或正位儲副用禮而陞或入繼大宗以恩而立或克
平多艰嗣守家邦或始因顧託潛圖篡奪何嘗不蹈道者逢吉
長惡者終凶斯以見天無常親民無常心神鬼饗於有德億兆
歸於至仁者矣

秦二世皇帝胡亥始皇帝之少子

臣欽若昔曰始皇事迹具閔位勲業門蜀吳已下皆做此

始皇三十七年十月行出遊會稽并海上北抵琅邪丞相李斯

中軍府令趙高兼行符璽令事皆從始皇有二十餘子長子扶
蘇以數直諫始皇始皇使監兵上郡蒙恬為將唯胡亥愛請從
始皇許之餘子莫從辯士隱姓名遺秦將章叩書曰李斯為秦王
死廢十七兄而亡今王然則二世是始皇第
十八子也其年七月始皇帝至沙丘病甚令趙高為書賜公子扶蘇
曰以兵屬蒙恬與喪會咸陽而葬書已封未受使者書及璽皆
在趙高所獨子胡亥丞相李斯趙高及幸宦者五六人知餘犀
臣皆莫知也李斯以為始皇在外晏駕無真太子故秘之置始
皇居輜輶車中一作輜車百官奏事上食如故宦者輒從輜輶車中
可諸奏事趙高因留所賜扶蘇璽書與丞相李斯謀詐為受始
皇詔丞相立子胡亥為太子更為書賜扶蘇死至咸陽發喪太
子立為二世皇帝

子嬰二世之兄子趙高殺二世而立子嬰為秦王

蜀後主禪先主子章武元年立為太子三年四月先主殂於永
安宮五月後主襲位於成都時年十七

吳廢帝會稽王亮大帝之子赤烏十三年立為太子大元二年
大帝寢疾大將軍諸葛恪為太子太傅會稽太守滕胤為太常
並受詔輔太子明年四月帝薨太子即尊號

景帝休太帝第六子大元二年封琅邪王居虎林後從會稽太
平三年九月戊午休從第大將軍繇以兵召大臣會宮門黜亮
為會稽王使宗正孫楷於中書即董朝迎休十月戊寅又布塞
亭武衛將軍孫恩行丞相率百寮以乘輿法駕迎於永昌亭築
宮以武帳為便殿止住使孫楷先見恩行楷还休乘輦進犀臣

再拜稱臣休升殿謙不即御坐止東廂戶曹尚書前即階下讚丞相奉玺符休三讓羣臣三請休曰將相諸侯咸推寡人寡人敢不承受玺符群臣以次奉引休就乘輿百官陪位繚以兵千人迎於半野拜於道側休下車答拜即日御正殿

後主皓大帝孫廢太子和之子初封烏程侯就國永安七年七月景帝休殂是時蜀初亡而交趾携叛國內震惧長右典軍荀彧昔為程令與皓相善稱皓才識明斷是長沙桓王之疇也又加之好學奉遵法度屢言之丞相漢陽興左將軍張布說休妃太后朱氏欲以皓為嗣朱曰我寡婦人安知社稷之慮苟吳國無隕宗廟有賴可矣於是遂迎立皓時年二十三宋少帝義符武帝長子永初元年武帝受禪立為皇太子三年五月癸亥

武帝晏駕是日太子即皇帝位

文帝義隆武帝第三子永初元年封宜都王景平二年五月江州刺史檀道濟揚州刺史王弘入朝乙酉宣太后令廢少帝為榮陽王立義隆令曰宜都王仁明孝悌著自幼辰德業冲粹識心明允宜纂洪統先臨億兆主者詳依典故以時奉迎未亡人嬰此百罹雖存若殞永悼情事撫心摧塞是日檀道濟入守朝堂六月傳亮率行臺迎義隆于江陵八月丁酉於中堂即皇帝位以徐羨之為司徒傳亮為尚書令時有司奏車駕依舊臨華林園聽訟詔曰政刑多所未悉可先二公推計元嘉二年羨之與亮上表歸政曰臣聞元首司契運樞成務臣道代終事尽宣翼翼施之道理絕於上皇拱已之事不行於中古故高宗不言

以三齡為斷冢宰聽政以再蕃為節百王以降罔或不然陛下
聖德紹興負荷洪業億兆顛顛思陶盛化而聖旨謙挹委成群
司自大礼告終鑽燧三改大明停照遠近傾屬臣等雖率誠屢
聞未能仰敢籍品物之情謹因蒼生之志伏願陛下遠存周文
日吳之道近思皇室締構之艱時覽萬機躬親朝政廣闢四聰
傳詢庶業則雍熙可臻有生幸甚帝未許羨之等重曰近陳馬
下情言為心罄奉被還詔覽許未回豈惟愚臣秉心有在詢之
朝野人無異議何者形風四方寔擊王德一國之事本之一人
雖世代不同特殊風異至於主運臣讚古今一揆未有渾心委
任而休明可期此之非宜布自遐迩臣等荷遇二世休戚以均
情為國至豈容頃默重披丹心冒昧以請帝猶辭羨之等又固
諫曰此表披陳辭誠俱盡詔旨中遠未垂聽納三復屏營伏增
憂歎臣聞克隆先構幹蠱之盛業昧旦丕顯帝王之高義自宋
皇創運英聖有造殷憂未闕艱患仍纏賴天命有底聖明承業
時屯國故猶在民心太山之安未易可保昏明隆替繫在聖躬
斯誠周詩夙興之辰啟王侍旦之日豈得無為拱已復玄古之
風逡巡虛挹狗尺夫之事伏願以宗廟為重百姓為心弘大業
以嗣先執隆聖道以增前烈愚瞽所獻情盡於此乃許之
孝武皇帝駁文帝第三子元嘉十二年封陵王累遷都督江州
荊州之江夏豫州之西陽晉熙新蔡四郡諸軍事三十年元凶
劬弒逆帝率眾入討荊州刺史南譙王義宣雍州刺史臧質並
奉義兵四月丙寅次江寧丁卯大將軍江夏王義恭來奔奉表

上尊號戊辰至於新亭己巳即皇帝位改新亭為中興亭五月
甲戌輔國將軍申坦克京城乙亥輔國將軍朱脩之克東府丙
申克定京邑劭及始興王濬諸同送並伏誅

前廢帝子業武帝長子孝建元年立為皇太子八年閏五月庚
申即皇帝位年十三以太宰江夏王義恭錄尚書事

明帝或文帝第十一子元嘉二十五年封淮陽王二十九年改
封湘東王永光元年出為豫州刺史都督南豫豫司江四川楊
州之宣城諸軍事景和末八朝被留時廢帝疑畏諸父將加禍
害帝與腹心阮佃夫李道兒等密謀結廢帝於後堂并西堂登
御坐召見諸大臣雖未即位凡衆事悉稱令書施行十二月丙
寅即皇帝位

後廢帝昱明帝長子始二年立為皇太子泰豫元年四月庚子
即皇帝位

順帝準明帝第三子泰始七年封安成王為撫軍將軍前廢帝
即位初為揚州刺史元徽二年加車騎將軍都督揚南豫二州
諸軍事四年進號驃騎大將開府儀同三司班劍三十人五年
七月戊子夜前廢帝殂奉迎入居朝堂壬辰即皇帝位
南齊武帝順大祖長子建元元年立為皇太子四年三月壬戌
即皇帝位

鬱林王昭業武帝子文惠太子長懋之長子也永明十一年正
月長懋薨四月立為皇太孫居東宮七月戊寅即皇帝位
海陵王昭文鬱林王弟也永明四年封臨汝公十一年封新安

王陵昌元年七月丁酉明帝為大將軍廢鬱林王立昭文為帝
宜皇太后令曰新安王體自文皇睿啓天秀宜入嗣鴻業永寧
四海即以禮奉迎是日即皇帝位以明帝為大將軍錄尚書事
明帝篤太祖兄始安王道生之子永明十一年七月武帝遺詔
為侍中尚書令隆昌元年加鎮軍大將軍太傅宣城王是年七
月廢鬱林王立海陵王十月又廢之宣皇太后令曰太傅宣城
王遺體宣皇鍾慈大祖識冠生民功高造物符表夙著謳頌有
在宜入承宝命式寧宗祐癸亥即皇帝位

東昏侯宝卷明帝第二子建武元年立為皇太子永泰元年七
月己酉即位

和帝宝融明帝第八子建武元年封階郡王永元元年改封南

康王持節督荆雍益寧梁南北秦七州軍事西中郎將荆州刺
史二年十一月甲寅長史蕭穎胄殺輔國將軍巴西梓潼二郡
太守刘山陽奉雍州刺史蕭衍奉義以衍為持節都督前鋒諸
軍事左將穎胄為將軍都督行臺諸軍事十二月壬辰驍騎將
軍夏侯亶自京師至江陵稱宣德太后令曰西中郎將南康王
宜纂承皇祚光臨億兆方侯清宮未即大號可且封宣城南琅
邪南東海東陽臨安新安尋陽南郡境陵宜都十羣為宣城王
相國荆州牧加黃鉞置僚屬選百官西中郡府南康國並如故
須軍次近路主者詳依舊典法駕奉迎三年正月建牙于城南
二月群僚上尊號立宗廟及南北郊三月乙巳即皇帝位十二
月丙寅雍州刺史王國珍侍中張楞廢東昏侯建康城平封東

昏侯為涪陵王

梁簡文帝網高祖第三子昭明太子統母弟天監五年封晉安
王大通三年立為皇太子清三年五月辛巳即皇帝位

元帝繹高祖第七子天監十三年封湘東王太清元年為荊州

刺史都督荆雍九州諸軍事三年三月侯景寇建業高祖密詔

帝為侍中假黃鉞都督中外諸軍事司徒承制徵兵討景是年

簡文帝為景立明年改元大寶又明年逼禪於豫章王棟改元

天正而帝在江陵只稱大清五年又明年三月王僧辯等平侯

景傳其首至江陵十一月丙子即帝位

敬帝方智元帝第九子承聖二年以晉安王出為江州刺史三

年十一月江陵為西魏所陷太尉楊州刺史王僧辯司空南徐

州刺史陳霸先等定議以帝為太宰承制奉迎還京師四年二

月入居朝堂三月北齊遣其黨王高渙送貞陽侯蕭淵明來主

梁嗣至東閔吳興太守裴之橫與戰敗績僧辯率眾出屯姑熟

七月辛丑僧辯納淵明自採石濟江甲辰入於京師以帝為皇

太子九月甲辰霸先奉義襲殺僧辯黜淵明丙午帝即皇帝位

陳高祖紀云初北齊之請納貞陽也高祖以為不可遣使謂僧

辯苦爭之及復數四僧辯竟不從高祖居常憤歎密謂所親曰

武皇雖盤石之宗遠布四海至於虓虎辯恥寄濟艱難惟孝元

而已功業殊盛前代未聞我與王公俱受重寄謂未絕音聲猶

在耳豈期一旦乃有異圖嗣主高祖之孫元皇之子海內屬曰

天平宅心竟有何辜坐致瘠出遠求夷狄假立非次現其此情

亦可知矣乃密賜其袍數千領及錦採金銀以為賞賜之具九
月壬寅高祖詔徐度侯安都周文育等謀之仍部署將士分賞
金銀絲帛水陸俱進是夜發南徐州討王生辯甲辰高祖步軍
至石頭前遣勇士自城北踰入時僧辯方視事外白有兵俄而
兵自內出僧辯遁走與其第三子鎮相遇俱出閣石尚數十人
苦戰高祖大兵尋至僧辯眾寡不敵走登城南門樓高祖祖因

風縱火僧辯窮迫乃就擒是夜縊僧辯及鎮丙午貞陽遜位百
僚奉晉安王上表勸進十月己酉晉安即位

後梁宣帝啓昭明太子統第三子中大通三年封岳陽郡王大
同元年出為雍州刺史太清三年高祖以啓兄江東王譽為湘
州刺史徙湘州刺史張纘為雍州以代啓屬侯景寇建業啓不
受代西魏恭帝元年後周太祖輔政令柱國于謹平江陵立啓
為梁主居江陵東城資以江陵一州之地其襄陽所統東歸于
魏啓稱皇帝於其國

孝明帝歸宣帝太子啓殂太子嗣位

後王琮明帝歸之子初封東陽王尋立為太子歸殂太子嗣位
後歸於隋

陳世祖文帝舊高祖兄始興昭烈王之長子永定初封臨川郡

王三年率兵城南皖是年六月丙午高祖遣昭徵入纂位甲寅
至自南皖入居中書省皇后令曰昊天不弔上玄降禍大行皇
帝奄損萬國率上哀號普天如喪窮酷煩冤無所適及諸孤藐
爾及國無期頊立長主以寧寓縣侍中安東將軍臨川王舊躰
自景皇屬惟猶子建殊功於收野敷盛業於戡黎納麓時叙之
辰負辰秉機之日並佐時雍是同草創祧祐所擊遐迩宅心宜
奉大宗嗣膺寶籙使七廟有奉兆民寧宴未七人假延餘息嬰
此百罹尋經纏綿於言感絕帝固讓至於再三群公卿士固請
其日即皇帝位於太極前殿

廢帝伯宗文帝嫡長子永定元年立為臨川王世子文帝嗣位
立為皇太子天康元年四月癸酉即皇帝位於太極前殿詔曰

上天降福大行皇帝奄育萬國攀號靡及五內摧殞朕以涼德
嗣應室命兢兢在疚惧其統疏方賴宰輔救其不逮其令內外
文武各復其職遠方悉停奔赴

高宗宣帝頃始興昭烈王第二子文帝嗣位封安城王廢帝先
大二年累加太傅領司徒十一月甲寅慈訓太后令降廢帝為
臨海郡王以帝入纂令曰太傅安成王固天生德齊聖廣淵一
后鍾心三爻停眷自前朝不念任摠邦家威惠相宣刑禮兼設
指揮嘯吒湘郢廓清闢地開疆荆益風靡若太戊之承殷歷中
宗之奉漢嗣校以功名曾何髣髴且地彰玉璽天表長書臣欽
若等
曰是歲五月帝為大傅
獻玉璽六月璽星見布新除舊禎祥咸顯又皇知子之鑒事
甚帝克傳弟之懷又符大伯今何还申曩志崇立賢君方固宗

桃載貞辰象中外宜依舊典奉迎輿駕未止人不幸屬此殷憂
不有崇替容危杜稷何以拜祠高寢歸附武園攬筆潛然蕪懷
悲慶三年正月甲午即皇帝位於太極前殿

後主叔寶宣帝嫡長子天嘉三年封成安王大建元年立為皇
太子十四年正月丁巳即皇帝位於太極前殿

東魏孝靜帝河王亶世子永熙三年八月孝武帝既入關十月
大將軍高歡乃與百寮會議推帝以奉明帝之後即皇帝位於
落城東北是月北遷于鄴

北齊廢帝啟文宣帝長子天保元年立為皇太子十年十月癸
卯即帝位於晉陽宣德殿

孝昭帝演字延安文宣母弟也天保元年封常山王十年十一

月廢帝嗣位乃即朝班除太傅錄尚書事朝政皆決放帝月餘
乃居藩邸自是詔勅多不關帝容或言於帝曰鴛鳥捨巢必有
探卵之患今日之地何宜屢出朝明元年從廢帝赴鄴居于領
軍府時楊愔燕子獻爾朱渾天和宋欽道鄭子默等以帝望既
重內懼權逼請以帝為太師司牧錄尚書事長廣王湛為大司
馬錄并省尚書事解京畿大都督帝以尊親而見猜斥乃與長
廣王期獵謀之於野三月甲戌帝初尚省且發領軍府大風暴
起壞所御車慢帝甚惡之及至省朝士咸集坐定酒數行於坐
批尚書令楊愔右僕射燕子獻領軍爾朱渾天和侍中宋欽道
等於座帝戎服與平原王改詔平秦王高歸秀領軍劉洪徽入
自雲龍門於中書省前遇散騎常侍鄭子默又批之同斬於御
府之內帝至東閣門都督成休寧抽刃呵帝帝令高歸秀喻之
休寧厲声大呼不從歸秀既為領軍素為兵士所服悉皆弛伏
休寧方歎息而罷帝入至昭陽殿幼主太皇太后皇太后並出
臨御坐帝奏愔等罪求伏專擅之罪特庭中及兩廊下衛內二
千餘人皆被甲待詔武衛娥永樂武力絕倫又被文宣撫刃思
効廢帝性吃訥兼愴卒不知所言太皇太后又為皇太后誓言
帝無異志唯去逼而已高歸秀宣勅勞衛士解嚴永樂乃內刀
面泣帝乃令歸秀引侍衛之士向華林園以京畿軍入守門閣
斬娥永樂於園詔以帝為大丞相都督中外諸軍錄尚書事帝
尋如晉陽有詔軍國大政咸諮決焉帝既當大位知無不為軋
明元年八月壬午宣太后令降廢帝為濟南王是日即位於晉

陽宣德殿

武成帝湛孝昭帝母弟天保元年封長廣王皇建元年為右丞相孝昭幸晉陽留帝守鄴二年十一月甲辰孝昭帝曰朕嬰此暴疾奄忽無遠令嗣子冲眇未聞政術社稷業重理歸上德右丞相長廣王研機測化躰道居宗人推之望海內瞻仰同胞共氣家國所馮可遣尚書左僕射趙郡王督喻旨徵土統茲大室手書云宜將吾妻子置一好處勿李前人也帝乃自鄴至晉陽宮發喪於崇德殿皇太后令所司宣遺詔左丞相斛律金率百僚敦勸三奏乃許之癸丑即帝位於南宮
後主緯武成帝長子大寧二年立為皇太子河清四年四月太史奏天文有變其占當有易主丙子乃使太宰段韶兼太尉持

節奉皇帝璽綬傳位於皇太子於是群公上尊號為太上皇帝

軍國大事咸以奏聞

初將傳政使內參乘人尚乘驛送韶書於鄴子尚出晉陽城見子駟隨後忽失之子

尚未至鄴而其言已布矣

梁末帝填大祖第四子開平元年封均土四年出為東京烏步

軍都指揮使乾化二年六月三日庶人交珪為逆遂即偽位明

年改元鳳歷是年二月侍衛親軍使表象先引禁兵誅交珪遣

趙巖賈傳國寶至東京請帝即位於洛陽帝報之曰夷門太祖

創業之地公等如堅推戴冊禮宜在東京賊平之日即謁洛陽

陵廟是月帝即位於東京乃去鳳曆之號復稱乾化三年

年號

自漢武紀元立號而後代因之建於鼎國至於江左亦皆建正

朔備制度或標瑞應之日或取休美之稱或宣紀德化或章明
功烈紀年頒曆於是乎在今考於舊史洎東魏北齊以及朱梁
條次比叙咸可見矣

蜀先主以後漢建安二十六年四月即皇帝位於成督是歲魏
黃初二
年先主猶大赦改元章
元稱建安三年四月

後主以章武三年四月即位改元建興盡二
十年

延熙元年正月大赦改元盡二
十年

景耀元年史官言景星見於是大赦改年盡六
年夏

炎興元年夏大赦改元其年降於晉臣欽若等曰自
此以下不書月者皆史闕

吳大帝初為吳王以魏黃初三年九年改元黃武盡七
年

黃龍元年四月夏口武昌並言黃龍鳳凰見丙申南郊即皇帝

位大赦改年盡三
年

嘉禾元年黃龍三年十月會稽南始平言嘉禾生十
二月丁卯大赦改明年無尺七年七月

赤烏元年八月武昌言麒麟見有司奏麒麟者太平之應宜改

年號詔曰問者赤烏集於殿前朕親見若神矣以為嘉祥者改

年宜以赤烏為元群臣奏曰昔武王伐紂有赤烏之祥君臣觀

之遂有天下聖人書策載述最祥者以為近事既嘉親見又明

也於是改年盡十二
年四月

太元元年五月立皇后潘氏大赦改年盡明年正月

神鳳元年二月大赦改年盡其年三月

廢帝亮以神鳳元年四月即位大赦改元建興盡二年

五鳳元年建興二年十一月有大烏五見
于春申明年改元盡三年十月

太平元年十一月己酉大赦改元 尽三年九月

景帝以太平三年九月即位大赦改元永安 尽七年七月

後主以永安七年七月即位大赦改元元興 尽其年

甘露元年四月蔣陵言甘露降於是大赦改元 尽二年七月

宝鼎元年八月所在言得大鼎於是大赦改元 尽四年九月

建衡元年十月大赦改元 尽三年

鳳凰元年 建行三年西苑言鳳凰集改明年無尽三年

天册元年吳郡言掘地得銀長一尺廣三分刻上有年月字於

是大赦改元 尽其年

天璽元年吳郡言臨平湖自漢末草穢壅塞今更開通長老相

傳此湖塞天下乱此湖開天下平又於湖邊得石函中有小石

青白色長四寸廣二寸餘刻上作皇帝字於是大赦改元 尽其年

天紀元年鄱陽言歷陽山石文理成字又吳興陽羨山有空石

長十餘丈名曰石室在所表為大端乃遣兼司徒董朝兼大常

周處至陽羨縣封禪國山改元大赦以協石文 于晉 尽四年三月降

宋高祖以晉元熙二年六月受禪改元永初 尽三年

少帝以永初三年五月即位明年正月己亥朔大赦改元景平

尽二年七月

文帝以景平二年七月自宜都王即位大赦改元元嘉 尽三十

孝武帝以元嘉三十年四月即位明年正月親祠南郊大赦改

元孝建 尽三年

大明元年正月辛卯朔大赦改元 尽八年

前廢帝以大明八年閏五月即位明年正月乙未朔大赦天下
改元永光 尽其年八月

景和元年誅太宰江夏王義恭等改元 尽其年

明帝以景和九年十二月丙寅自湘東王即位大赦改元泰始
尽七年

泰豫元年正月甲寅朔帝有疾不朝會以疾患未痊故改元泰
豫 尽其年

後廢帝以泰豫元年四月即位明年正月戊寅朔大赦改元元
徽 尽五年七月

順帝以元徽五年七月即位大赦改元昇明 尽三年四月

南齊大祖以宋昇明三年四月受禪大赦改元建元 尽四年二
月

世祖武皇帝以建元四年三月即位改元永明 尽十一年

鬱林王以永明十一年七月即位明年正月丁未大赦改元隆
昌 尽其年七月

海陵王以隆昌元年七月即位改元延興 尽其年十月

明年以延興元年十月即位大赦改元建武 尽四年

永泰元年四月甲寅赦三署囚改元 尽其年

東昏侯以永泰元年七月即位明年正月大赦改元永元 尽二
月

和帝以永元三年三月即位于江陵大赦改元中興 尽二年四
月

梁高祖天監元年以齊中興二年四月受禪改元天監 尽十八
年

普通元年正月己亥大赦改元 尽十年

大通元年三月大赦改元 尽二年

中大通元年十月己酉大赦改元 尽六年

大同元年正月戊申朔大赦改元 尽十一年

中大同元年四月大赦改元 尽其年

太清元年四月丁亥大赦改元 尽三年

簡文帝以太清三年五月即位明年正月辛亥朔大赦改元大

寶 尽二年七月侯景逼禪於豫章王改元天正

元帝以太清六年十一月即位改元詔曰昔虞夏商周年無嘉

號漢魏晉宋因循以久朕雖云撥亂自非創業思得上繫宗祧

下惠億兆可改太清六年為承聖元年

敬宗紹泰元年以承聖三年十一月元帝都江陵陷于長安 三

年十一月歸于魏

魏明年十月帝為陳霸先所立即位於建鄴大赦改元 八月 尽二年

太平元年九月壬寅改元 尽二年十月禪于陳

後梁宣帝以後魏恭帝元年為后周太祖所立居江陵東城稱

皇帝於其國年號大定 尽八年

明帝以大定八年嗣位改元天保 尽二十三年

後主以太子嗣位改元廣運 尽二年歸於隋

陳高祖以梁太平二年十月受禪大赦改元永定 尽三年

文帝以永定三年六月即位明年正月癸丑大赦改元天嘉 尽六年

天康元年三月大赦改元 尽其年

廢帝以天康元年四月癸酉自太子即位明年正月大赦改元

光大 尽二年

宣帝以光大二年十一月自太傅入纂明年正月甲午即位改元大建 尽十四年

後主以大建十四年正月即位明年正月壬寅大赦改元至德 尽四年

禎明元年正月戊寅大赦改元 尽三年正月為隋所滅

東魏孝靜帝以後魏永熙三年十月為高勸所立即皇帝位於鄴城東北大赦改元天平 尽四年

元象元年正月有巨象自至碭郡陂中南充州獲送于鄴大赦改元 尽其年

興和元年十月癸亥以鄴都新宮成大赦改元 尽四年

武定元年正月壬戌朔大赦改元 尽八年五月禪于北齊

北齊文宣以東魏武定八年五月受禪南郊禪畢大赦改元天保 尽十年初帝改年識者曰天保之一大人吳十帝其不過十年乎

廢帝以天保十年十月即位明年正月癸丑朔大赦改元乾明 尽其年八月

孝昭帝以乾明元年八月即位於晉陽宣德殿大赦改元皇建 盡二年十月

武成帝以皇建二年十一月癸丑即位於南宮大赦改元大寧 尽二年三月

河清九年四月以河濟清改元 尽三年四月

後主以河清四年四月即位大赦改元元統 尽五年

武平元年正月乙酉朔大赦改元盡七年十月

隆化元年十二月丁巳大赦改元盡其年

少帝以隆化二年正月乙亥即位大赦改元

承光元年在位十八日與後主俱走青州為後周所滅

梁太祖以唐天祐四年正月受禪改元開平盡五年四月

乾化元年五月甲申朔御朝元殿大赦改元盡六年六月

末帝以乾化三年二月即位於大梁五年十一月改元貞明盡七年七月

年四月先是乾化二年六月庶人支哇弒逆明年正月改元鳳曆是年二月誅支哇帝復稱乾化至是改焉

龍德元年五月丙戌朔改元盡三年十月為後所滅

新刊監本冊府元龜卷第一百八十八

新刊監本冊府元龜卷之一百八十九

閏位部 一百八十九

孝德

奉先

尊親

孝德

夫孝德之本也故王者之德莫大於孝上所以寧宗廟下所以教人民導揚徽声感勵風俗莫加於此焉若乃凌晨問安時刻靡失逾月侍疾衣帶不解躬易脂澤至於感慟親臨祭享罔不流涕所以雲物變采井泉湧發蓋天性之所感故明靈之攸荅傳示後葉美莫大焉

宋高祖少時家貧有大志不治庶隅事繼母以孝謹稱及即位春秋以高每旦入廟太后未嘗失時刻

梁高祖生知淳孝年六歲獻皇太后終水漿不入口三日哭泣
哀苦有過成人內外親黨咸皆敬異及丁文皇帝憂時為齊王
諮議隨府在荆鎮髣髴奉問便投劍星馳不復寢食倍道就路
憤風驚浪不甞停止高祖形容本壯及還至京都銷毀骨立親
戚士友不復識焉望宅奉諱氣絕久之每哭輒嘔血數斤腹內
不復嘗米惟資大麥日止二益拜歸山陵涕淚所洒松草變色
及居帝位即於鍾山造大愛敬寺青溪邊造制度寺又於臺內
立至敬寺殿又立七廟堂月中再過設淨饌每至展拜常涕泗
滂沱哀動左右

大同十年三月謁建寧陵有紫雲蔭陵上食頃乃散帝望陵流
涕所需草皆變色陵傍有枯泉至是而流水香潔辛丑哭于脩
陵簡文帝居穆貴嬪憂哀毀骨立晝夜號泣不絕聲之所坐之
席霑濕尽爛

後梁宣帝性不飲酒安於儉素事其母以孝聞

明帝孝悌慈仁有君人之量四時祭享未嘗不悲慕流涕

北齊孝昭帝性至孝太后不豫出居南宮帝行不正履容色
憔悴衣不解帶殆將四旬殿去南宮五百餘步鷄鳴而去辰時方
還去來徒行不乘輦太后所苦小僧便即寢伏閣外食飲藥物
皆躬親太后常心痛不自堪忍帝立侍帷前以瓜搯手心血流
出袖友愛諸弟無君臣之隔

梁太祖性孝愿奉太后未嘗小失色朝夕視膳為士君子之規
範帝嚴察用法無纖毫假貸太后言之常頗為省刑

奉先

夫有國家者曷嘗不宗祀以本仁作廟以觀德尊祖以致孝奉先以尽礼自秦遷周鼎頗遵古制逮於吳蜀建號江左禪代莫不追加號謚充奉園邑增建廟貌聿脩時祭親執函鬯躬謁松檟載籍所記可得而詳也東魏北齊以及朱梁雖國祚運促日不暇給而崇薦尊稱肅祗常事亦曾闕焉

秦始皇二十六年初并天下采上古帝位號號曰皇帝追尊莊襄王為太上皇

二十八年為太極廟

二世元年下詔增始皇寢廟犧牲令群臣議尊始皇廟群臣皆頓首言曰古者天子七廟諸侯五大夫三雖萬世世不軼毀今

始皇為極廟四海之內皆獻貢職增犧牲礼咸備無以加先王

廟或在西雍或在咸陽天子儀當獨奉酌祠始皇廟自襄公已

下軼毀所至七廟群臣以礼進祠以尊始皇廟為帝者祖廟蜀

先主章武元年四月即皇帝位于成都立宗廟祫祭高皇帝以

聞松之云先主雖云出自孝景而世數攸遠昭穆難明既紹漢祚不知而何帝為元祖以立親廟于時英賢作輔儒生在宮宗廟制度必有憲章而載記闕畧良可恨哉

後主以章武三年五月襲位於成都是月先主梓宮自永安宮還成都謚曰詔烈皇帝追尊母甘皇后曰昭烈皇后

吳大帝權黃龍元年四月即皇帝位追尊父破魯將軍烏程侯

堅為武烈皇帝廟曰始祖墓曰高陵母吳氏為武烈皇后張紘

虜有破走董卓有扶持漢室之勲討逆平定江水建立大業宜有紀頌以昭公美既成呈大帝大帝省讀悲感曰君識孤家

門闕也

廢帝亮建興元年四月即位上太帝尊謚曰太皇帝墓曰蔣陵
五鳳二年十二月作太廟太平元年正月為大帝立廟稱太祖
廟

景帝即位遣使追尊母王夫人曰敬懷皇后改葬敬陵

後主皓元興元年八月即位謚休曰景皇帝葬定陵

九月追謚父和曰文皇帝

初尊和為昭獻皇帝
俄又改為文皇帝

改葬明陵置園

邑二百家令承奉守

寶鼎元年十月分吳郡丹陽九縣為吳興郡置烏程太守四時

奉祠文皇帝

二年有司奏言文皇帝宜立廟京邑是年七月使守大臣薛琚

營立寢堂號曰清廟十二月遣守丞相孟仁太常姚信等備官

寮中軍步騎二千人以靈輿法駕東迎神於明陵皓引見仁親

拜送于庭

一云此孟仁還皓手昭曰夜相繼奉問神靈起居動
止平現言和被服顏色如平生曰皓悲喜淚涕悉召

公卿尚書詣
闕門下受賜靈輿當至使丞相陸凱奉三牲祭於近郊皓於金

城外露宿明日望於東門之外其翊日拜廟薦祭歔歔悲感又

追尊和母王夫人曰大懿皇后

宋高祖初為宋王立廟于彭城祭高祖以下四世

永初元年六月即位追尊皇考為孝皇帝皇妣為穆皇后

七月戊申遷神主於太廟車駕親奉

少帝以永初三年五月即位上武帝謚曰武皇帝廟號高祖葬

初寧陵

九月有司奏武皇帝配南郊武敬皇后配北郊

文帝元嘉元年八月丁酉謁初寧陵還即位戊午拜太廟甲辰追尊所生胡婕妤為皇太后謚曰章皇太后陵曰熙寧立廟於京師

四年二月乙卯行幸丹徒謁京陵

二十六年二月己亥車駕陸道幸丹徒謁京陵

二十八年三月拜初寧陵

孝武帝以元嘉三十年四月即位于新亭崇改太祖文皇帝號謚初元凶劬弒逆上謚曰景皇帝廟號中宗至是改焉

五月甲午謁初寧陵

大明二年正月壬戌拜初寧陵

六年正月辛卯宗祀文皇帝于明堂以配上帝

八年正月辛巳宗祀文皇帝于明堂

前廢帝以大明八年閏五月即位上孝武皇帝尊謚廟號世祖九月祔塋文穆皇太后于景寧陵

明帝太始元年十二月即位乙亥追尊所生沈婕妤曰宣皇太后陵號崇憲壬午車駕謁太廟

後廢帝以泰豫元年四月即位上明皇帝尊謚廟號太宗

順帝昇明元年七月壬辰即位癸卯車駕謁太廟

南齊太祖高皇帝建元元年四月即位追宗皇考曰宣帝皇妣為孝皇后陵曰永安

六月庚辰法駕奉七廟主于太廟

十月己卯車駕殷祠太廟

武帝以建元四年三月即位上高皇帝尊謚廟號太祖

五月庚申以高皇帝配南郊高昭皇后配北郊

永明五年四月庚午車駕殷祠太廟

九月詔太廟四時祭宣皇帝薦麥餅鴨臠孝皇后薦筍鴨卵脯醬炙白肉高皇帝薦肉膾菹羹昭皇后薦茗柶炙魚並平生所嗜也

十年十月車駕殷祠太廟

鬱林王以明永十一年七月即位上武皇帝尊謚廟號世祖

九月辛酉追尊父文惠太子為世宗文皇帝隆昌元年正月戊午車駕拜崇安陵

明帝建武元年十月即位十一月追謚父始安貞王道王為景皇妃江氏為懿后別立寢廟陵號脩安

四年八月追尊景皇所生王氏為恭太后

東昏侯以永泰元年七月即位上高宗尊謚曰明皇帝

梁高祖武帝初封梁公立四親廟

天監元年四月即位追尊皇考為文皇帝廟號太祖皇妣為獻皇后陵號建寧

十一月己未立小廟

十二年六月癸巳新作大廟增基九尺

十五年六月丙申改作小廟畢

大同十年三月甲午輿駕幸蘭陵謁建陵至脩陵壬寅詔曰朕

自違桑梓五十餘載乃眷東觀靡日不思今四方款關海外有
截獄訟稍簡國務小閑始獲展敬園陵但增感慟帝嘗夢俱朝服入廟太拜
伏悲感且於廷務殿說所夢何敬容對曰臣聞孝弟之至通於神明陛下性與天道故感應斯夢上極然之便有拜陵之議
簡文帝以太清三年五月辛巳即位癸未追尊所生穆貴嬪為
穆皇太后

十一月上武皇帝尊謚廟號高祖陵號修陵
元帝以承聖元年十一月即位於江陵追尊所生妣阮脩容為
文宣太后

後梁宣帝登大定元年追尊其父統為昭明皇帝廟號高宗統
妃蔡氏為昭德皇后

明帝歸以大定八年二月嗣位上宣皇帝尊謚廟號中宗改元

天保

五月太皇太后龔氏薨謚曰元太后

九月所生母曹太妃薨謚曰孝皇太妃

二年皇太后王氏薨謚曰宣靜皇后

陳高祖武帝永定元年十月即位追尊皇考曰景皇帝廟號太
祖陵曰瑞陵皇妣董太夫人曰安皇后依梁初園陵故事遷景
皇帝神主祔於太廟

四月甲子親祠太廟

文帝以永定三年六月即位上武皇帝尊謚廟號高祖

大嘉元年六月辛巳改謚皇祖妣景安皇后曰景文皇后甲午
追策故始興昭烈王妃曰孝妃始興王文帝父也

二年十二月甲申立始興國廟於京師用王者之禮而皇帝自入嗣
興昭烈王廟在始興謂之東廟至是徙東廟神主附于梁之小
廟故曰國廟祭用天子儀

廢帝以天康元年四月即位六月上文皇帝尊謚廟號顯祖
十月庚申親祠太廟

光大元年十月甲申親祠太廟

二年七月丙午親祠太廟

九月戊午親祠太廟

宣帝大建元年正月甲午即位乙未謁太廟戊午親祠太廟

十月壬午親祠太廟

二年春正月丙午親祠太廟

閏四月戊申謁太廟

十月乙酉親祠太廟

三年十月甲申親祠太廟

四年正月庚午親祠太廟

十月乙酉親祠太廟

五年正月甲午親祠太廟

六年正月壬午親祠太廟

四月甲午親祠太廟

八年四月乙未親祠太廟

東魏孝靜帝以天平元年十月丙寅即位壬申享太廟

四年四月辛未遷七帝神主入新廟

北齊文襄帝初為魏相置王高祖秦州使君王魯祖太尉武身

公王師太師文穆公王考相國獻武王凡四廟

文宣帝天保元年五月即位己未追尊皇祖文穆公為文穆皇帝皇祖妣為文穆皇后皇考獻武王為獻武皇帝亡兄文襄王為文襄皇帝甲辰還神主於太廟

十月丁卯文襄皇帝神主入於太廟文宣帝受禪置六廟曰皇祖司空公廟皇祖吏部尚

書廟皇祖秦州使君廟皇祖文穆皇帝廟太祖獻武皇帝廟世宗文襄皇帝廟為太廟獻武已下不毀已上則遙毀並同廟而別室既而遷神主于太廟文宣文襄並太廟之子文宣初疑其昭穆之次欲別立廟眾議不同至二年冬始祔太廟春祠夏灼秋嘗冬蒸皆以孟月并獵凡王祭禘祫如梁之制每祭室一太牢始以皇后豫祭至河清定令四時祭廟禘祭及元日廟庭並設庭燎二所

廢帝乾明元年二月上文宣皇帝尊謚廟號高祖

孝昭帝皇建二年正月壬子禘于太廟

武成帝太寧元年十一月即位上孝昭皇帝尊謚

河清元年正月壬午享太廟

五月祔葬武明皇后于義平陵

二年正月以武明皇后配祭北郊

後主天統元年十一月己丑太上皇詔改太祖獻武皇帝為神

武皇帝廟號高祖獻明皇后為武明皇后其文宣謚號委有司

議定

十二月庚午有司奏改高祖文宣皇帝為威宗景烈皇帝

二年正月癸巳祫祭於太廟

四年十二月上太上皇尊謚曰武成皇帝廟號世宗祖

武平元年十月己丑復改威宗景烈皇帝謚號顯祖文宣皇帝

梁太祖初為梁王以唐乾寧二年二月領親軍屯於單父會寒
食帝乃親拜文穆皇帝陵於碭山縣午溝里開平元年四月即
位追尊四代廟號高祖媯州府君上謚曰宣元皇帝廟號肅祖
太廟第一室陵號興極祖妣高平縣君范氏追謚宣僖皇后皇
曾祖宣惠王上謚曰光獻皇帝廟號敬祖第二室陵號永安祖
妣秦國夫人楊氏追謚光孝皇后皇祖武元王上謚曰昭武皇
帝廟號憲祖第三室陵號光天祖妣吳國夫人劉氏追謚昭懿
皇后皇考文明王上謚曰文穆皇帝廟號烈祖第四室陵號咸
陵皇妣晉國太夫人王氏追謚文惠皇后

五月甲午詔天下管屬及州縣官名犯廟諱者各宜改換城門
即改為門局即避曾祖諱茂州改為汶州避烈考諱桂州慕化縣改為歸

化縣潘州茂名縣改為越常縣癸卯司天監奏曰辰內有戌字
請改為武從之

六月己亥帝御崇元殿內出追尊四廟上謚號王冊寶共八副
宰臣文武百官儀仗鼓吹導引至太廟行事

三年正月己巳奉遷大廟四室神主赴西京太常儀仗鼓吹
引齊車文武百官奉辭於開明門外甲戌帝發東都已卯至西
都庚寅親享太廟

二月丙午宗正等請脩興極永安光天咸寧陵並合添脩上下
宮殿栽植松栢制可癸亥勅豐沛之基寢園所在悽愴動闕於
情理克奉自潔於國章宜設陵臺兼升縣望其輝州碭山縣宜
升為赤縣仍以本縣令兼四夷陵臺令

七月丙寅命宰臣楊涉赴西都以孟秋享太廟

乾化元年十月有司以立冬太廟薦享上言詔丞相杜曉赴西都攝祭行事

二年正月丙戌有司以孟春太廟薦享上言命丞相杜曉攝祭行事

末帝即位追尊母賢妃張氏為元貞皇太后祔葬宣陵

貞明三年十二月幸洛陽遂幸伊闕拜宣陵

尊親

夫王者之政不可得而變革者尊尊也親親也所以宣孝熙之德崇教化之本况夫膺餘閏之數富霸王之資當創物之初暨繼明之始莫不采有司之奏稽歷代之典緣禮經之大義傳春

秋之深旨尊以懿號崇以宮名昭備物之彰極奉親之意誠有國者之要道也雖云各立其可闕諸

蜀後主章武三年五月襲位于成都尊先主皇后曰皇太后

吳孫皓元興元年八月即位九月尊母何姬為昭獻皇后稱升

平宮月餘進為皇太后

宋高祖永初元年六月即位尊王太后蕭氏為皇太后有司奏

曰臣聞道積者慶流德洽者禮備故祇敬表於崇高嘉號彰於盛典伏惟太后母儀之德於穆不已保翼之訓光被洪業雖幽明同慶稱為未窮稽之前代禮有常準宜式遵舊章允副群望臣等請上宋王太后號曰皇太后

少帝永初三年五月即位尊皇太后曰太皇太后

景平元年七月所尊生母張夫人為皇太后有司奏曰臣聞嚴親敬始所因者本克孝之道由中被外伏惟夫人德並坤元德音光紹發祥兆慶誕啟聖明宜崇極徽號永備盛典則春秋母以子貴之義尊漢晉推愛之典謹上尊號為皇太后宮曰永樂孝武帝元嘉三十年四月即位尊所生路淑女為皇太后有司奏曰歷集周邦徽音克嗣氣淳漢國沙麓發祥昔在上代業隆祚遠未有不敷陰教以闡洪基膺淑慶以載聖哲者也伏惟淑女柔明內服徽儀外範含灵初迪則庶熙仰耀弘訓藩闡則家邦被德民應惟和神屬推祉故能誕鍾睿躬用集大命固灵根於既殞融薰烈乎中興載厚化深声詠永緝宜式諧舊典恭典極號謹奉尊號曰皇太后宮曰崇憲

前廢帝太明八年閏五月即位崇皇太后曰太皇太后皇后曰皇太后宮曰永訓

明帝泰始元年十二月即位太皇太后復號崇憲皇太后後廢帝泰豫元年四月即位七月尊皇后曰皇太后宮曰弘訓崇拜所生陳貴妃為皇太妃有司奏曰臣聞河龍啟聖理映明神郊電基皇慶燦天地故資敬之道古名風必貴之誼眇代凝則伏惟貴妃含和月晷表淑星樞徽音峻古柔先照世声華帝掖軌秀天殞景發皇明祚昌霄命而備物之章未煥彛策遠酌前王允陟鴻典臣等參議謹上尊號曰皇太妃輿服一如晉孝武李太妃故事宮曰弘化

順帝即位昇平元年崇拜帝所生陳昭華為皇太后

南齊鬱林王即位尊母文惠太子妃為皇太后稱宣德宮

梁敬帝紹泰元年十月即位尊所生夏貴妃為皇太后

後梁宣帝譽為周太祖所立居江陵東城稱皇帝於其國尊其所生母龔氏為皇太后

明帝歸嗣位之元年尊其祖母龔太后曰太皇太后嫡母王皇

后曰皇太后所生母曹貴妃嬪曰太妃

陳文帝永定三年六月即位七月尊皇后章氏為皇太后宮曰

慈訓

廢帝天康元年四月即位五月尊皇太后曰太皇太后皇后

沈氏曰皇太后宮曰安德

後主太建十四年即位尊皇后柳氏為太后宮曰弘範

北齊文宣帝天保元年五月即位尊王太后婁氏為皇太后宮

曰宣訓

廢帝天保十年十月即位尊皇太后為太皇太后皇后李氏為

皇太后

孝昭帝為皇建元年八月即位詔奉太皇太后還稱皇太后皇

太后稱文宣皇后

後主天統四年十二月太上皇帝祖上太上皇后尊號為皇太

后



57
1/1